

T 5237.58/1310

101

HARVARD COLLEGE LIBRARY
FROM THE
HARVARD - YENCHING
INSTITUTE

MAR 1 1932

御選明詩卷第八十八目錄

七言律詩二十一

陳子壯一首

姚希孟二首

侯格四首

張璠一首


丁乾學一首

吳麟瑞一首

李吳滋一首

馬任遠三首

黃憲祖一首



御選明詩卷第八十八目錄

七言律詩二十一

陳子壯一首

姚希孟二首

侯恪四首

張瑋一首

丁乾學一首

吳麟瑞二首

李吳滋一首

馬任遠三首

葉憲祖一首



陸懷玉一首

蔡懋德二首

毛以燧一首

顧大猷二首

屠本峻一首

莫是龍四首

顧斗英一首


田藝蘅一首

吳稼澄四首

梅鼎祚一首

劉潤一首

御選明詩卷之二



彥科一首

宋登春七首

馮遷一首

葉之芳一首

柳應芳四首

安紹芳一首

黃維楫一首

盛時泰三首

張正蒙二首

俞安期九首

陸弼三首

黃克梅四首

鄭琰四首

王伯稠一首

汪乾利一首

費元祿二首

程可中一首

葉太叔一首

嵇元夜一首

何僻二首

江禹奠三首

姚旅一首

朱純元一首

錢允治三首

周履靖五首

吳夢暘五首

茅維一首

王野四首

范汭一首

吳鼎芳四首

吳兆三首

沈野三首

石沆一首

秦鎬一首

米雲卿五首

商家梅一首

宋珏一首

王醇二首

王道通一首

齊策名二首

寇學海二首

鄒之翰一首

程漢一首

杜大成一首

于鑿之二首

周永年一首

仁厚頗兼黃老治，揆天無筆繪神堯。
緬懷祖德豈難躋，八柄河魁手自持。
鳳詔未聞傳墨勅，貂璫只許貢朱提。
兵符細柳將軍令，國計元和宰相稽。
蟬鬢秀才垂紫袖，批紅不改舊標題。

侯恪

春日入左掖門遇雪同倪武雙姚現聞陳弘景
分賦
紫禁春濃曉暈開，瓊絲搖曳碧天來。
初疑佩玉迷仙仗，漸似臨風亂早梅。
上苑鶯寒驚雨澁，平沙雁冷憶霜回。
只今共擬相如賦，寂寞金門滿繡苔。

重遊西山十八

兩度青山已四年，重來非復舊山泉。
崩崖樹老俱成石，絕頂峯高更有天。
鐘磬不聞僧臘古，煙霞只覺鳥聲便。
何須異日完婚嫁，早向松巢覓午眠。

聞雁

秋風秋雨雁紛紛，無那羈愁入夜聞。
不似寒砧聲歷亂，如將落葉影紛紜。
盤江路險書難寄，雪苑人歸夢易分。
老我燕山頻見訊，恨無羽翼可同羣。

題畫

盡日看山興不孤，春風吹雨洒平蕪。
林間鶯濕翻花見，石上苔明雜錦鋪。
策馬人經千嶂夕，聽泉聲與片雲俱。
何年卜築來居此，擁膝橫琴入畫圖。

張瑋

江行宿淺灘

千里江流此一灣暮潮落盡柁師閒
脩脩蒼荻鳴疎雨隱隱玄雲列遠山
波靜自知憑岸穩官慵肯厭客途艱
朝來晏起迎新旭秋月秋風興不慳

丁乾學

送劉太史使朝鮮

漢殿遙齎詔一函香爐特許換朝衫
天邊築館迎龍節海上吹鏡遁鸞帆
問俗朱蒙時已改探奇暘谷日應銜
歸來撰得殊方志天外河流海外巖

吳麟瑞

長安春興

塵封官柳眼猶迷黃鳥吞聲不肯啼
二月羽書淹塞草十年馬足負香泥
長纓有策終難請短札多愁未易題
忽憶孤山此時節亂堆雪片斷橋西

李吳滋

送曹安祖假歸

陶然共事白雲司幾度追隨笑語時
年齒偶成一日長禪心同對十門師
每分陽羨驚雷筴迭和青谿踏雪詩
君去冷曹方是冷閒居賦就寄無遲

馬任遠

懷白礪甫

荏苒緇塵不可留逢人到處問江州夷門知爾同誰過
燕市憐余尚獨遊風雨乍晴殘月照琴尊久冷暮雲浮
蹉跎空作還鄉夢蛩韻砧聲一夜秋

同胡滄陽詠報國寺松分來字

古木扶疎梵刹栽慈雲引鶴自飛回十圍老榦凌霄起
半畝濃陰匝地開影帶嵐光過柰苑煙籠翠蓋映蓮臺
風生白日龍鱗動萬壑濤聲樹杪來

中秋

斗酒持螯漏幾更西風妬月片雲生氣氳不盡來還去
點綴無端暗復明乍見餘光分翠竹尚留微影落金觥
誰家唱出關山調徙倚胡牀聽遠聲

葉憲祖

江行

杳靄中流二水分人傳此地弔湘君南天漸隱巴陵樹
西塞猶飛夢澤雲傍晚魚龍常涌沫隔江鳧雁自呼羣
年來已覺風波慣枕上漁榔處處聞

陸懷玉

也園

種藥雲根已十年小園獨卧思悠然豈無幽徑通常曲
亦有連山象輞川半砌苔衣清似水一池花石小于錢
歸來便是西疇長晚稻秋香滿社田

蔡懋德

赤壁

當年虎豹客愁攀今在人煙秋色間勢壓江流欲倒水
身行壁上更無山已開樓閣爭題詠未剪荆榛誰往還
且向亭西竹下去東坡居士一生閒

車中夢林子野荅句憶得春來夢後二語續成

一首

河間二月不飛花錯送東風拂袖遮馬入孤村煙漸破
人迷長陌柳爭斜春來到處皆酣酒夢後何人不憶家
未識長安今近遠黃昏更度板橋沙

毛以燧

葉村居

丘壑偏宜謝幼輿清泉碧篠愛吾廬祇知幽絕堪高枕
未解窮愁好著書閒過山僧烹笋蕨倦從野老課菑畬
夕陽流水荆扉靜花滿青尊月滿裾

顧大猷

秋晚客雞鳴寺

古寺崔嵬俯帝城攀躋漸覺旅愁輕樓臺寒入三山色
砧杵秋高萬戶聲向夕張琴依竹坐有時待月伴僧行
從來禪室多心賞几席無塵夢亦清

初冬社集甘露閣

嚴風動樹轉新寒繫馬招提木葉乾鐘鼓還鳴深殿閣
壺觴雅集晉衣冠江枯白雁蘆初斷地古青蓮露已殘

總是空門無去住賦詩行酒盡餘歡

屠本峻

春事

華髮逢春春事繁支離猶得傍長安忽傳天上新榆火
轉憶山中舊藥闌家有酒田堪釀秫世無知己莫彈冠
燈前兒女遙相詫采采芳芹不滿盤

莫是龍

得顧茂倫書及所著離思賦悵然有作

綠鬢傷春臥薜蘿青山起色近如何慣看交態尊前好
較是君情別後多明月自裁希逸賦片雲閒伴莫愁歌
家人倘問風塵色慷慨中原但枕戈

高閣書鳳凰臺

一逕幽深竹樹寒崇臺百尺倚晴巒坐將雲物杯中變
行迫星辰掌上看丘壑幾人能濟勝風塵此日共彈冠
亦知靈翮游千仞應有文章動綵翰

顧仲方招隱園

清秋乘興訪名園巖壑蕭疎桂樹繁花外朱橋綠斷岸
竹間蒼岫引飛軒空山猿鶴堪招隱滿地煙霞久避喧
翻笑淮南重方術八公徒著養生言

贈盧次楨一首

羨君詞藻似鄒枚曾擬梁園作賦才白石歌殘身未遇
黃金揮盡志堪哀江南草色煙中遠薊北山光馬首來

御選明詩 卷之二
萬里行行從此始斷雲孤鳥獨徘徊
顧斗英

殘柳如新柳

西風蕭瑟柳條輕翻似依依乍向城看去尚含南浦恨
折來俱是故園情楓林鮮點桃花色杜宇能為黃鳥聲
留得舊時餘影在秋江一路月扶行

田藝蘅

雨中感懷寄諸故人

三十年來尚轉蓬學書學劍兩無功
數椽茅屋寒江上一樹梅花細雨中
聞雁忽驚時序晚對山不覺酒船空
高陽舊侶能相念冰底雙魚尺素通

吳稼澄

秋懷

當年竊藥事還真碧海茫茫未許親
銀燭可憐徒向夜玉顏無復更知春
清商感激愁中曲落羽差池病裏身
奉詔長門能買賦黃金取酒為何人

舟行歸思

大江日夜水粼粼飛盡楊花不見春
枕畔獨吟愁裏客鏡前雙笑夢中身
生能無累龐居士老未忘情白舍人
兒女團圞歸便得底教歌榭暗流塵

夜阻江上

風揭空江浪忽興停舟斷岸石稜稜
遙聞野寺一聲磬

近辨漁家幾處燈歸信不如潮有准客程翻似夢無憑
薄寒誰為更衣計閒殺中閨半臂綾

金陵酒肆贈茅平仲
暮年看爾壯心孤落落酣歌擊唾壺但數一錢憐詫女
纔誇千騎笑羅敷梨花雨濕紅襟燕楊柳春藏白項烏
欲向盧家借雙槳莫愁不是舊時湖

梅鼎祚

九月八日城東樓晚眺寄史使君姑孰

落葉來鴻秋可憐孤城晚眺正蒼然向傳李白題詩處
重見玄暉在郡年霜後鳴砧千戶月風前哀笛一江煙
倚闌却憶龍山會誰共黃花插酒邊

劉潤

寄王仲房悲燭和交頰無亦自忒白髮平華具

不見風流王右軍詩名湖海日相聞歸期漫阻黃梅雨
鄉思遙懸白岳雲千里音書秋後斷一江南北夢中分
潭園草罷閒居賦誰共清尊醉夕曛

茗山洞

羅隱曾隱此山有蓮花
峯相傳仙人曾憩其頂

峯陰回合擁青蓮詞客遺蹤尚儼然啼鳥故疑歌白雪
飛泉猶是奏朱絃林扉蕭瑟無塵躅石室逢迎有洞仙
安得尚平婚嫁畢拂衣吾亦弄雲煙

宋登春

月詩

劉潤

彦科

宋登春

江閣晚望呈荊州公

幾處蒹葭連岸白
數村煙火隔江明
無家自合依劉表
有賦誰能薦長卿
巫峽去帆江路隱
衡陽歸雁暮雲平
黃金已盡還為客
湘漢長歌萬古情

洞庭送徐荊州投劾東歸

秋來為客易沾巾
又向瀟湘送逐臣
煙草斷雲橫楚塞
夕陽落雁度江津
天涯白髮無知己
湖上青山有故人
回首吳關空悵望
何年滄海共垂綸

秋日待家書不至感賦此詩

澤國寒風木葉稀
悲歌昨夜賦無衣
自添白髮年華易
用盡黃金生事微
易水似憐湘月遠
燕鴻還共楚雲飛

魚書錦字無消息秋草閒門又夕暉

城上秋風動薜蘿
十年江客意如何
酒腸方大黃金盡
世事纔知白髮多
月冷却憐孤鶴怨
天寒誰聽飯牛歌
平生還愛於陵子
用拙為園老一蓑

九日集楚雄樓懷舊

沱水燕關憶壯遊
短衣孤劍老荊州
天涯縱酒逢青眼
馬上看楓掉白頭
日暮飢烏還繞樹
煙寒古堞自深秋
江空鴻雁無消息
千里相思月滿樓

江陵送王惟材還趙郡

湘臯煙草洞庭雲
此地逢君又送君
趙瑟悲涼那可問

御選日言 卷二
楚歌淒斷不堪聞，遙山對酒春當暮。臨水攀花日未曛，
憔悴形容獨歸去。江樓細雨歎離群。

五空然 八月十三日東永嘉王秉之山人

寒竹叢叢橘柚懸，短籬茅屋向城偏。桂花釀酒秋將半，
桐葉題詩月未圓。越客還思青海嶠，楚鴻又度白雲天。
好山欲買多招隱，袖裏曾無子母錢。

平上馮遷

復餞顧內翰于南浦，因經曹公戰壘。

映竹船窗水氣涼，渚風微泛白蘋香。今朝相送即相別，
明日故人非故鄉。蔓草女牆橫斷靄，荻花軍壘護斜陽。
銀河舊與滄波接，一望靈源萬里長。

莫葉之芳 未許六齋老樹半林芬

靈江舟中 青然並認乘陣日 臨回舟如知霞

赤城東去水滌洄，無數寒花夾岸開。越國青山臨海盡，
靈江秋雨挂帆來。舟中客淚隨楓落，天外鄉心逐雁哀。
如此蕭條須盡醉，已知淪落不言才。

不交柳應芳

一飲林土 陣獸知於雨 醉前發雪 蘇冰水

正元望後宴平津，羅綺初筵入早春。盤馬鬪車纔罷夜，
殘燈剩月尚宜人。梅花落到歌前緩，柳葉開經勝裏新。
不信金吾仍放禁，歸時看取六街塵。

送李臨淮上公出鎮金陵

印選月詩

葉之芳 柳應芳

節旄南建歲將闌雪落津亭曉未乾百戰山河重作鎮
三朝劍履獨登壇營開江障鶯聲早路出邊城馬色寒
天與宗臣憂不細金陵千古舊長安
正月十五日同盛太古集雨花臺
郭外香臺勝日登天花曾現六朝僧宜春猶載屠蘇酒
不夜先觀太一燈柳上輕煙吹作雨梅前殘雪積成冰
舊遊更向新年感草色青青似杜陵

西湖春日戲贈潘景升

武林門外正春華十里空湖帶淺沙夾岸樓臺千佛地
隔城簫鼓萬人家青絲遊騎乘朝日紅粉回舟映晚霞
莫訝劉郎歸未得六橋芳樹半桃花

安紹芳

送曾中丞入蜀

玉節遙看萬里行鳴笳吹角動西京天邊劍閣雲連棧
樹裏巴江錦作城檄到百蠻新喻蜀圖開八陣舊藏兵
褰帷父老煩相問辭賦何人似長卿

黃維楫

夜思

草色煙光向晚淒望鄉人自滯淮西風傳鼓角更初轉
霜落關河斗漸低夢欲成時逢雁過愁方生處有烏啼
家書倉卒應難達不是秋來醉懶題

盛時泰

同金子坤陪羣公登雨花臺

紺殿珠宮結駟行登臺共豁遠遊情
林花雨霽雙峯出雲木涼生一鳥鳴
禁苑晡煙開樹色秦淮春水長潮聲
却因楚使誇雲夢愧作諸生賦帝京

燕子磯

渺渺寒潮帶石磯潮聲山色兩相依
陰雲翻浪明秋日霞氣蒸林生晚霏
巴蜀船從巫峽下荆吳人自海門歸
聽歌酌酒銀河曙坐見高天一雁飛

望憑虛閣外山色贈詹東園因寄陳仲魚

春雲如黛點鍾陵湖水生波盡解冰
幾處東風迴弱柳千巖雨色潤垂藤
香筵寶座初聞梵塔院蓮龕正試燈

閣上莫辭同醉酒望中原草漸層層

中天張正蒙

春暮淮上遣興有懷恩公

水漫秦淮舊釣磯一竿每與俗情違
垂垂密柳鶯啼早寂寂重扉客到稀
綠暗桑林蠶葉老青連藥圃兔苗肥
焚香欲就蒲團坐鐘磬沉沉隔翠微

溪上居

小結衡茅避市喧寒流灑灑抱孤村
扉懸白板心猶遠几隱烏皮道自存
傍岸漁舟分爨火倚窗明月引開尊
寂寥何限幽棲意不識風光似陸渾

俞安期

御選日言 卷之二
懷方子及時謫滇南鹽官

一辭畫省動經年疲馬長驅萬里天漢女蛾眉同輦妬
楚臣芳草異鄉憐謫居敢怨監鹽井領郡應須乞酒泉
魂夢蒼茫愁遠道夜郎西去總蠻煙

送顧道行副憲之山東

鬪雞走馬俗稱雄絕島窮邊路亦通卉服仍教歸禹貢
短衣須遣變齊風嶽雲今古懸封上海日尋常起夜中
我有所思愁遠道自今長望泰山東

登祝融峯

中天積氣入清涼雲霧翻看地混茫雨挾蒼龍奔下嶺
星懸朱鳥定南方向年石簣藏金簡自古山祇禮赤璋

壇上長流青玉乳神池高捧帝臺漿

送余伯祥太史奉使還朝

虎觀頻年侍聖顏乘輶忽下五雲間翦桐遠奉分封命
視草重趨入直班仗外晴煙看薊闕馬頭春樹識燕山
懷君不為彈冠意清夢時時繞漢關

送劉長卿備兵滇南

南國初辭法從班霜飛繡谷楚雲間前驅弩騎三千士
內固巖城十二關傳過赤虺浮瘴水詔來金馬祀名山
文章須遣通南極為領華風到百蠻

柱後高冠著惠文旌麾按部擁風雲山行金齒搜蠻壘
水戰昆明習漢軍落日重圍原上獵有時小隊障前分

西南君長孤懸地天際銅標想舊勛

潘大司空起拜御史大夫再督河漕奉寄二首

徵書新起大司空再歷宣房舊築宮芻粟轉輸關國計

漕渠疏控見神功河源爭謂來天上水勢齊驅入地中

秦日豈須論鄭國周年何忝拜毛公

瓠子悲歌似漢家老臣寧許久懸車鑿渠昔見傳龍首

開府今仍建虎牙淇苑秋雲分棷竹金堤春水下桃花

從君倘許尋源去斗畔重占犯客槎

上葉少師

向聞談麈自從容牙後津津及老農羊祜虛勞稱舞鶴

葉公轉自好真龍亭開一畝成玄草家近三山是赤松

久為掃門吾獨恥可容策杖客相從

陸弼

入閩關

羣巒馬上俯崔嵬海色遙臨睥睨迴萬里職方周地盡

千秋風氣漢時開危峯春晚常吹雪雪峯山最高六月猶有積雪急峽天

晴忽起雷聞道粵南猶列戍將軍誰是伏波才

送丁南羽還沐陽

歲杪孤裝出廣陵醉來絲竹易沾膺敝裘冷犯山城雪

短舫昏投水店燈酒及屠蘇堪奉母經將貝葉獨依僧

紫霄巖畔好明月後夜思君第幾層

秋日懷龐學博

蕭蕭一徑入秋苔束帶時愁長吏催旅食又看鴻雁至
家書常共荔支來花邊小几聽禽坐竹裡孤琴候客開
千載賦成傷不遇白頭誰惜董生才

黃克晦

暮至餘干用劉隨州韻

楊葉青青柳葉齊煙村渺渺楚江西湖邊芳草連天綠
馬上春禽盡日啼渡水暝雲千片落到城新月一痕低
遊人元自耽風景翻向黃昏憶故溪

水上虛舟得開字

小艇浮浮定復開鷓鴣鸚鵡共徘徊亂餘野渡行人少
雨暗江村釣者回煙浦風多如落葉沙汀水淺似膠盃

莊生同是身無繫浪跡漂搖兩度來

和黃後溪翁七夕月下聞笛

絳河垂地七襄迴弦月無雲半壁開何處笛聲傳折柳
滿庭秋氣颯蒼苔遙疑靈鵲橋邊落暗度穿針席上來
莫遣天孫聞此曲歡情離恨正難裁

西城晚眺

薄暮登城暑氣微風含睥睨欲沾衣青山滿目慙高隱
白髮盈頭愛落暉水帶平蕪雙鳥下雲連遠樹一僧歸
深杯未覺黃昏盡漁火遙生垂釣磯

鄭琰

寄黃山隱者

御選明言 卷八
傳聞軒帝有仙蹤古洞無扉對亂松半讓石床供蟋蟀
細裁雲葉補芙蓉分將月夜三千里買斷秋煙七十峯
尚憶我留湯口寺隔林疎雨聽殘鐘

贈林純卿

十載看花入醉鄉燕姬招隱白雲莊罷官卜宅思栽柳
垂老將身學賣漿夜月邀僧同鷓首春湖供客典魚腸
孤山萬樹梅花發剪燭裁詩夜未央

春日西湖即事

蘇小門前柳帶煙煖沙晴日水如天杏糜供作宜春酒
榆筴分爲買笑錢芳草綠侵騎馬路落花紅襯釣魚船
杜鵑不解遊人意催盡韶光又一年

奉和張司諫左掖夜直

漢殿秋生禁柳黃露融仙掌色蒼蒼銅龍水咽雞人漏
金象煙銷鳥篆香雲度鐘聲浮苑樹月臨花影上宮牆
夜聞待詔傳天語法駕明朝幸建章

王伯稠

和韻

春風千里憶佳期鏡裡空憐玉樹姿驚夢暗憎鸚鵡喚
避人偷寄伯勞詞月窺翠幌愁相語花入珠簾恨自知
爭信文園憔悴客漸寬腰帶鬢如絲

汪乾利

泗上

芒碭山前秋草多彭城王業竟如何雲來還作真人氣
風起猶傳帝子歌朔雁南飛離紫塞淮流東下接黃河
知君躍馬能乘興一路江山取次過

費元祿

金陵詠懷古蹟

善泉池

滄池潏沆鑿昭明前代風煙九曲平錦纜不收菱葉爛
紅亭半啗浪痕生沙環鳧渚邀垂釣花積魚牀隱濯纓
客醉何勞歌桂樹就中山水自忘情

勞勞亭

八月金陵天氣涼勞勞亭畔雨花香誰家別淚霑紅粉

幾處秋風起白楊沽酒城邊頻繫馬聞歌道上總思鄉
古今無恙東流水多少行人為斷腸

程可中

贈丘魯生

旅食無端笑滯淫鄰居猶是費招尋風流南郡談經帳
羞澁長門賣賦金送盡花神春未艾檢殘藥裹病偏侵
空江日暮靈妃曲久向天涯負賞音

葉太叔

曉晴

一月未曾乾一日雨聲昨夜喜初回高霞結海晨光滿
錦樹依山秋色開鳩厭舊巢將婦去鷗憐新水引雛來

清羸衰疾何時起獨抱漁竿坐石苔

嵇元夜

立秋日盧溝送新鄭少師相公

單車去國路悠悠綠樹鳴蟬又早秋燕市傷心供帳薄
鳳城回首暮雲浮徒聞後騎宣乘傳不見羣公疏請留
三載布衣門下客送君垂淚過蘆溝

何薜

西湖尋曹能始

垂楊漠漠荇田田何處春風十四絃放鶴僧歸天竺雨
聽鶯人過六橋煙詩尋蘿薜誰邊寺酒載桃花第幾船
遊子天涯魂易斷非關春樹有啼鶻

不長 鄭翰卿自新安移家金陵詩以訊之

南北飄零逐燕飛營巢今復傍烏衣家移白下原為客
夢到黃山不是歸廿載看花憐並蒂半生栽柳歎成圍
江天處處皆新水好向垂綸燕子磯

江禹奠

登堯峯

空王樓閣鎖崔嵬水抱雙峯海色開古洞雲霾龍已去
春巖花落鳥啣來閒看幽草平苔砌剩有疎松拂石臺
十里橫塘渾在眼不妨乘月放舟回

野望

散步登臺信杖扶蕭蕭木葉下平蕪空江霜落魚龍卧

斷浦煙微雁鶩呼
矯首長天家共遠
側身異地月同孤
年來消渴文園甚
却望金莖露有無

登顏公山

千尋青嶂鬱嵯峨
鳥道盤迴出薜蘿
地坼陽窩通海脉
山環螺曲仰天河
燈懸梵閣星辰亂
龍隱香池雲霧多
信是顏公傳偈處
雨花片片下巖阿

姚旅

囊山雨夜集

寺如蜂舍掛崔嵬
尊酒偏宜向暮開
春雨燈前僧共話
麻姑道上客初回
窗蕉葉響時清耳
林橘花香夜到杯
不是我曹耽勝事
杉關竹院冷蒼苔

朱純元

東溪港

十二街頭跡已賒
草堂低占白鷗沙
武陵此去無多路
灤水西來第幾家
野岸綠蕪飛燕子
汀洲紅雨落桃花
滄浪不洗塵埃耳
只許漁郎泊釣槎

錢允治

同汪魯二將軍登寶山看海

地軸東虧接混茫
空明何處是扶桑
青山一點孤城黑
碧月半輪殘照黃
橫海樓船天漠漠
隔沙煙樹水蒼蒼
野夫却喜狼烽息
醉飲將軍寶燾旁

送謝友可守順慶

印選月詩

卷七

朱純元

錢允治

周履靖

七

五馬翩翩向益州三巴風景句中收
天邊山色隨人轉樹裏江聲繞郭流
諭蜀有時還草檄籌邊無釁亦登樓
故交零落雙魚遠別酒殷勤勸不休

聞柳陳甫客塞上寄憶

一宿齋頭馬遂西秋風紫塞陣雲低
黃鬚未學鮮卑語丹竈誰封太乙泥
此去可經藏甲隲何時重過浣花溪
宵來明月殷勤照霜落軍城聽鼓聲

周履靖

清嘯

尚志生平泉石盟巒巖壑傲簪纓
身同孤鶴千峰繞迹似流雲一片輕
室秘丹爐凝紫氣枝藏玄鳥遞清聲

野人拾蕨堪為餉何必扶藜入禁城

不隨時輩較浮沉卜築茅堂近竹林
幾處幽禽啼樹密一番驟雨落花深
牀餘書卷從吾檢徑滿蒿萊謝客尋
自是野人成懶癖高山流水是知音

生平疎散愛巖栖白苧村前鴛水西
寂寞草堂芳樹合崎嶇石徑野雲迷
柴扉盡日閒青草野叟隨時步碧溪
掃榻淹留高士駕開樽取醉索新題

年來懶慢謝經過幽壑閒門掩薜蘿
長晝堦前蒿草翳深秋籬畔菊花多
空庭舉袂因調鶴淨几臨書欲換鵝
聞道湖南新月霽漫移蘭棹泛澄波

數里村墟背郭偏柴門深鎖綠蘿煙
荷花凋盡三秋葉

桂子飄殘八月天把酒謾看陶令菊餐英遙誦楚人篇
林端颯颯涼風度欲覓鱸魚理釣船

吳夢暘

楊仲明見訪有贈

林僻相將學課農猶煩朋舊遠過從出門覓取誰家酒
隔水聞來何寺鐘往日姓名疑劍俠近來鄉曲號書傭
自誇興到還多事手植荒庭一老松

甲寅新春對客作

瀉盡流澌春氣溫一溪新漲舊柴門野僧同住權爲寺
水鳥孤飛不出村瓦鼎祇應烹臘雪藜牀最好傍朝暾
過從總在滄江上安有生平未吐言

過愚公虎丘寺

烹葵剥棗儘相關坐到昏鐘始下山弟子可知皆白足
老夫安得不蒼顏花飛日日何曾掃柳長村村只未攀
路黑出門燈肯借畫船簫鼓幾家還

巳酉新春二首

自擬今春懷抱開林扉時復掃荒苔沙頭鷗鳥休飛去
野外梅花許折來多少誤人空識字從容留客不銜杯
題詩徧問諸名勝肯入廬山般若臺
百年何負草堂靈詎使尋常問客星不種公田仍減產
尚無飢色喜添丁人間安用屠龍技方外曾携相鶴經
空手出門風雨至也須蓑笠問樵青

春晝戲詠

春晝陰陰度網牕，春愁極目蕩春江。不知何處吹花片，忽有餘香到佛幢。紅藥風翻嬌第一，紫丁煙濕艷無雙。如儂自愛空林綠，繡徧苔錢帶壁缸。

王野

越中送僧還舊山

折柳插瓶溪水灣，此方緣盡又思還。春花乞食雲門寺，秋葉翻經瓦屋山。雲起珠林封舊跡，月臨寶地憶慈顏。知君身似旃檀樹，已去留香梵宇間。

重陽前一日李本寧招集寶石山得來字

亂葉翻飛託草萊，衆賓分坐幾亭臺。天低煙樹千重沒，雲破江山一半來。皂帽受風先欲落，黃花候日未全開。歲時爭在人前好，多把茱萸看一回。

三月三日鴛鴦湖

鴛鴦湖水樹邊斜，橋李城東坐白沙。三日風流仍鄭俗，千秋修禊說王家。美人羅襪憐芳草，公子銀罌惜落花。向夕輕橈回畫舸，前洲新月傍殘霞。

舟泊毘陵驛待友不至

毘陵流水自濺濺，荒草城西獨泊舡。亂馬嘶殘官舍日，羣鴉啼散女墻煙。抱關小吏秋鳴柝，賣酒妖姬夜數錢。度盡疎鐘君不到，空留片月向人懸。

御選明言 卷之三
范汭

登縹緲峯

天近筍輿如踏空翻翻巾舄泠泠風遠尋亂嶂出帆外
近數諸村懸鏡中沙草微茫似楚澤澗花淒冷非吳宮
湖西湖東盡堪望兩地鄉心誰與同

吳鼎芳

雨渡橫涇懷孫惟化

東風作冷石湖船節屆清明倍可憐一日客程偏遇雨
幾家茅屋不生煙野田水綠迷楊柳古廟花深出杜鵑
寂寞橫塘人去後吳姬歌舞自年年

西湖

嫋嫋東風蝶試衣綿綿芳艸燕爭飛堤邊楊柳青絲騎
水上桃花白板扉三竺片雲雙樹隔六橋殘雨一僧歸
年年最好春陽月無那鐘聲送夕暉

峽山曉起

隔林清磬漸無聞已有晴暉映澱紋掃徑不妨留鶴跡
開門祇許到鷗羣寒峯獨透千層雪野水雙鈎一抹雲
手啟香函看宿火碧霞裊裊古花文

龍吟洞

重嵐曲隱樹中央乍有閒僧搆艸堂帶雨龍歸磁鉢潤
銜花鹿過衲衣香殘秋待月投空洞後夜和雲宿上方
一種紅蕉舒艷色名樓高處傲青霜

御選明言 卷六
吳兆

旅次書懷

幾年不種漸谿田覺我疎慵更勝前
嵇阮豈須經世策巢由何用買山錢
莫愁湖上春攜酒長樂橋邊月泛船
惟有古懷消不得臺城衰柳白門煙

春夜有懷姑蘇

潮落秦淮月映沙金閶有夢在誰家
不堪暮雨楓橋別無賴春風茂苑花
舟蕩漣漪歌子夜窗臨睥睨聽啼鴉
分明舊事渾如昨過柳經梅幾歲華

喜郭昭自廬山見過

荒村歲暮誰相問惟有籬花慰索居
遊過山川常在夢

別來朋舊久無書秋風烏雀喧禾黍
落日牛羊徧里閭即此蕭條空館夜
與君相對話匡廬

沈野

懷王澄伯臥病

落紅寒食漸紛紛強自攜尊對夕曛
春到馬卿偏臥病徑開羊仲正離羣
林風幾處邀歌扇花雨千家撲舞裙
何事與君俱伏枕鶯聲喚友不堪聞

汪長文張成叔北上便道見訪

烏皮几淨映莓苔臥病柴扉晝不開
庭樹葉齊花盡落屋深塵動燕初回
黃金散後青山在三徑荒時二仲來
借問一尊留茂苑何如並馬向金臺

寄陳履吉

故人閩海結茅堂海上相思更渺茫
地氣未春先見草山風迎臘不飛霜
林深採藥窺猿嘯田熟開扉覺稻香
我欲移家同避世可能白髮老滄浪

石沆

中秋

江村此夕意如何道是橋平水不波
彷彿空中倚樓閣分明鏡裏現山河
當筵自對賢人酒得意閒吟孺子歌
明月若教陪盡夜只拚清露濕漁蓑

秦鎬

李元鎮滑縣署中

君忘北上我忘還冷日奄奄白馬間
吏散只如為客樂牘銷翻比在家閒
三杯苦茗中冷水一卷新詩大塚山
殘雪滿檐冰半砌忍能相對不開顏

米雲卿

贈張慎伯居士

梅竹蕭蕭舊隱居却依雙樹結精廬
方酬南岳高僧偈未答東山太傅書
賓館有田多種秫柴門臨水不為漁
春風日日閒花落三徑無人自掃除

冬夜懷歸

寒風颯颯夜蒼蒼臘月江城臥雪霜
祇為食魚常作客偶因聞雁又沾裳
青山夢裏行難到白髮愁中鑷更長

御選明言 卷六
不見北堂萱草色憂心那得暫相忘

澗水移家

移家東郭十年前東郭移家又十年忍割煙蘿還地主
笑驅雞犬下江船鵲鴿原上風偏急烏鵲枝頭月正圓
臨發不禁回首望并州桑梓自堪憐

秋柳二首

搖落天涯正此時蕭疎多見路旁枝一朝染露全無色
何處含煙尚有絲漢苑也應隨日短隋堤難道入秋遲
陰陰滿眼河山暮愁絕那堪帶雨垂

一夜西風那便凋他鄉何處不蕭蕭依稀剩有葉還無葉
搖落長條復短條難忘折來情脈脈更愁看去路迢迢

經過若問傷心地涼雨寒煙鎖灞橋

商家梅

宋書常同伯敬渡漳河

不覺朝從鄴下過更於薄暮渡漳河頻詢故蹟情難減
為記遺文事轉多枯柳覆村疎有路寒雲隔水去無波
濺濺俱是千秋恨銅雀風流可奈何

宋珏

湯宣城詩有長橋細月眉相約之句有所懷極
賞之惜其全篇不稱春日坐浪樓戲為足之

寂寂春山一鳥鳴春江入夜亂春聲長橋細月眉相約
遠浦微波目共成歌扇裂餘猶見畫舞巾題處已無名

那堪咫尺天涯路空對繁星達曙明

王醇

集巖道澈雲松巢

園徑蒼蒼煙靄間畫欄人度板橋灣
簾衣香罨春殘絮屋角青飛雨後山
松吹暗搖琴曲冷池波深照客心閒
銜杯不使疎櫺閉巢濕紅泥乳燕還

寄李達生太守守巨津

笮蠻遮在碧煙叢浪說車間已畫熊
官舍轉離孤郡遠家書常隔一年通
醬分萋葉香消瘴布納桐花軟貼風
鄉思偶停時出郭閒看調象亂山中

王道通

征人婦

離愁壓黛老鉛華蕩子從戎不到家
萬里請纓隨鐵騎十年橫劍阻金沙
書封青鎖春深淚燈落紅閨夜半花
正是斷魂眠未得綠槐風雨數聲鴉

齊策名

游浮渡

山面疑從水面分丹崖碧樹氣氤氳
關開石竇深啣月巖捲晴湍半入雲
池湧金蓮浮石出笛橫洞口隔溪聞
欲將一笠煙霞老常伴山中麋鹿羣

暑中飲黃石環齋頭

路轉林塘卜築深參天古木晝森森
花亭鬪局風聲細

石嶼張尊草色侵忽散浮雲窺檻霽何來片雨入樓陰
酒酣遮莫催歸騎扶醉看予倚竹吟

寇學海

冬日晚登黃鶴樓

滾滾長江帶落暉仙人樓閣轉霏微雲橫大澤漁歌斷
沙冷晴川雁字稀檻外鳳皇銜月出洲前鸚鵡挾濤飛
莫言黃祖難容物詞賦而今有是非
憑闌極目萬山浮感慨翻憐到上頭伯業已隨孤鶴去
樓臺偏壓大江流煙迷遠浦千帆雨濤觸寒磯五月秋
笛裏梅花莫吹落恐驚歲晚怨淹留

鄒之翰

安縣山包山訪陸纂甫

竹石陰森帶淺沙考槃飛澗小橋斜如簧窗外窺人鳥
弄影庭前送客花銷夏有灣堪釣水采香無徑可移家
知君更得巖棲勝屋裡青山屋後茶

程漢

塘上雜詩

亂水明明原上村金沙路接白沙痕燈藏石塔遙穿牖
鐘出山樓近到門鳧為藻牽原自樂鶯知花謝欲無言
年來不讀英雄傳抱甕林中且灌園

杜大成

書愁

印選月詩

鄒之翰

程漢

杜大成

御選日言 卷八 于鑒之
愁多奈可度殘春浮世榮枯總未真細雨夢中憔悴質
落花影裏寂寥人山僧乍見仍憐瘦野鶴長隨不厭貧
獨抱遺經卧空谷恐妨容鬢涅緇塵

于鑒之

雜感十首

錄二首

殘書一榻對松風卧讀微妨飲酒功小院心情春暖後
高樓閒暇夕陽中蟬留舊草驚飛白蝶去餘花慘夢紅
底處古人須見我偶然危膝類張融

嫩晴花氣減衣天靜夜蟠香月照煙琴在暗牀聞鼠過
石當虛牖見虫懸委形笑我無名屈宣髮欺人不惑年
安得山林藏下士風飄閒處即棲禪

周永年

寄張異度

擁書應不廢生涯藝圃知堪紀歲華烏白遠疑楓染葉
荻蘆猶待雪飛花但憑高閣收諸勝莫判鄰園作兩家
我有行藏君信否半營五畝半三車

御選明詩卷第八十八

林春秀一首

徐篤一首

童珮一首

文震孟一首

傅冠一首

陳仁錫一首

鄭鄴一首

黃道周一首

吳孔嘉一首

陸錫明一首

顧咸受一首

御選明詩卷八目錄

王彥泓一首

李世熊一首

廖孔說三首

田狩龍一首

麻三雍一首

王屋一首

陳衍一首

王留二首

李奇玉一首

楊廷樞一首

吳太冲一首

楊廷麟一首

顧咸建一首

文德翼一首

劉侗一首

萬泰一首

堵循錫二首

宮繼蘭二首

倪長圩一首

蔡道憲一首

陳子龍八首

夏允彞一首

曾異撰一首

梁朝鐘二首

方以智二首

李公桂一首

萬曰吉一首

陳瑚一首

朱一是一首

錢棻二首

魏學濂二首

張若義九首

溫璜一首

黃淳耀二首

劉曙二首

茅元儀一首

葛一龍一首

馮鼎爵二首

董養河一首

吳德操一首

王時敏一首

朱茂曙一首

馮鼎位三首

李士標一首

徐時勉一首

馮夢龍一首

張紀一首

徐同貞一首

丘上儀一首

張鴻磐一首

歸昌世一首

馮延年一首

袁徵一首

郭金臺二首

姚士彝一首

沈章一首

徐仲選一首

朱隗一首

孫淳一首

劉城一首

顧玘徵一首

唐獻可一首

潘一桂一首

邵昇遠一首

徐爾鉉三首

吳棫二首

朱樵二首

曾元良一首

吳騏十首

喻應益一首

陳鴻一首

王鏘一首

鐘曉一首

喬長史一首

奇身史一首

畫史一首

畫史一首

刺然一首

會集一首

吳興十首

曾天身一首

未熱二首

御選明詩卷第八十九

七言律詩二十二

錢明相

村居二首

閒倚繩牀看落暉疎林煙靄暮霏微雲邊丘隴牛羊下

水外蒹葭雁鷺飛白草亂填村舍路清霜濃綴野人扉

無端短鬢垂垂老暫得幽棲願莫違

一村茅屋鎖寒煙碕鹵原非負郭田亂後蔬飧聊卒歲

秋來禾黍幸逢年疎燈夢落蒼松曉短褐霜寒白雁前

屈指交遊吾獨老不堪貧病臥江天

白塢河問酒家

夕陽倒影下江洲野寺河邊暫泊舟此地傳經曾白塢
誰家從事是青州風將送暖衣堪典柳似招人客可投
且貫村醪謀一醉片帆明日任悠悠

徐于

春日漫興追和六如先生韻二首

不學尋真不坐禪烏藤白恰且隨緣有時貫酒呼鄰叟
排日尋花買釣船鼠跡共依塵榻住鶯聲欣傍小牕圓
阮生何事窮途哭但坐茅茨便得仙

少年生事落吳閩老大何妨轉放狂白傅堤邊新酒肆
生公石畔舊詞塲携來雙鬢鴉雛色舞去單衫鵲腦香
縱有閒吟非澤畔不勞搔首問巫陽

錢謙貞

清明後晚出北城至頂山寺登白龍廟作

攔珊春事蚤啼鶯與客閑行出北城社鼓鼕鼕催穀雨
炊煙續續過清明夕陽古寺歸樵影流水空山吠犬聲
如繡年光仍在眼桃花零亂麥田橫

懷古堂夏日漫興

三間五架草堂新數卷圖書一病身靜似放叅居士室
閒如墜戶輟耕民浣花杜叟曾題字垂柳陶家舊卜隣
不為薄今偏愛古南村已少素心人

豐越人

至石壁莊

御選明言 卷十九
一逕湖心通翠微入山先自著山衣繞籬野豆花爭放
背日巖枝葉半稀漁散空洲秋水在煙橫高岫夕禽歸
閒居最得無能味白石蒼蒼是釣磯

冒愈昌

賦得鷺峰寺前殘柳會吳非熊林茂之留別之
作

執手城隅對黯然西風殘柳鷺峯前曾籠紅版橋頭月
尚帶青溪渡口煙望去藏烏非往日愁來繫馬復何年
因君欲折難為折忍和新詩向別筵

錢希言

揚州懷舊

三度維揚十八年舊遊零落不如前車傍擲果人何在
橋上吹簫事莫傳潮落遠江瓜步雨烏啼荒壘竹西煙
風流杜牧元多感到日登臨一惘然
夜渡若耶溪
樵風舟上鼓頻搥十幅輕帆渡若耶照破離愁惟夜月
啼殘歸夢是寒鴉霧蒸東塢山城暗煙鎖西陵驛樹斜
只隔錢塘衣帶水依然旅食傍天涯

康登彥

城西別友

驛樓重發不勝悲執手難於乍別時故國殘年人去遠
亂山疎雨馬行遲青袍暗濕為儒淚綠酒愁聽送客詩

最是關門風雪惡明朝吹盡鬢邊絲

詠柳

照影盈盈拂自垂受風縷縷弱還吹關山笛裏思歸引
灞水橋邊恨別枝翠黛莫因春去損纖腰乍向月明移
可憐空傍章臺老欲惜凋零更有誰

江仲漁

懷朱漁父

九溪深處是嚴灘渺渺風塵白眼看葉艇每隨幽嶂出
茅房孤掩落花殘芙蓉衣上雲千片楊柳磯頭月一竿
釣罷瓦餅曾共醉滿身零露不知寒

張復亨

遊西湖

山翠湖光晝染扉珠宮縹緲晚鐘微僧尋三竺沿堤過
鶴認孤山背水歸橋影亂分公子棹荷香輕著美人衣
繁華不醉飄零客愁聽啼鶻又夕暉

林春秀

山居

但住溝西第五村香杭釀熟少開門家僮祇自為樵牧
徑竹憑他長子孫雨過曉山泉噪澗花生春菜蝶穿園
抱琴客到棠梨下卯酒猶醺藉柳根

徐篤

病起

御選日言 卷之六 童珮 文震孟
病起茅齋已浹旬，案書狼籍任埋塵。十年事業空雙劍，半世交游復幾人。苔井細陰桐葉墜，荆籬秋雨豆花新。破除孤悶無他計，再洗淵明漉酒巾。

童珮

寄秦汝立

思君無那路重重，何處山形是九龍。蔣詡門前三逕竹，陶潛宅裏一株松。汲泉釀酒添新甕，留客裁詩入暮鐘。今夜闌干挂春月，清光可似別時濃。

文震孟

臚唱紀恩

紫煙浮動蔚藍天，定有祥雲捧日邊。國士懷慙叨寵遇，

家聲遙接仰名賢。先生御筆龍章煥，色映宮羅鳳彩鮮。報主正從今日始，雄文誰擬勒燕然。

傅冠

早朝

西山爽氣接蓬萊，紫殿光搖曙色開。五鳳忽銜丹詔下，六龍時駕袞衣來。班聯禁地三台近，樂奏鈞天萬舞迴。聖主殷憂方借箸，趨陪愧乏賈生才。

陳仁錫

萬壽朝賀恭遇瑞雪

凌晨嚴駕喜趨陪，宮殿霏微映早梅。綵勝自緣龍藻結，仙花非為剪刀催。山山環架連雲巘，樹樹交飛行慶盃。

御選月詩

文震孟

傅冠

陳仁錫

五

知是丹青描不出天機織素待宸裁

鄭鄮

煙霞嶺

轉入幽清石磴斜何人開眼識煙霞
深深古洞零寒雨寂寂空林放落花
有客到山棲鳥喚無僧出走亂雲遮
年來不盡逃虛意躡屐盤桓亦我家

黃道周

西曹秋思

雪盡松寒喜未凋故園萬里詎云遙
中原刁斗依清嘯南國梅花碎玉簫
塞馬夜闌齊飲水鯨魚月出各窺潮
風煙嶺表晴無恙不使明時缺老樵

吳孔嘉

西湖汪然明招同李太虛錢牧齋先輩泛不繫

園

潏灩湖光十里橫
攜將書畫訂鷗盟
清風明月消閒趣
茗椀香爐寄野情
小棹六橋看繫馬
孤篷三竺聽流鶯
荷香處處催詩興
一片涵空麥浪生

陸錫明

白岳太素宮

天遣名山護紫虛
芝泥曾到使臣車
石幢隱見宮中線
碧瓦參差帝者居
封禪有書非漢時
擲梅何地不秦餘
未須泛海尋靈藥
水落花開自起予

顧咸受

落葉

天半淒清雁字斜
箇人無賴小窗紗
三分秋色三分雨
半似霜容半似花
忽送離愁迷曲徑
暗隨幽夢渡平沙
無情最是堪腸斷
不為蕭條惜物華

王彥泓

寄懷叟仲秣陵并促歸騎

春光漂蕩別離天
心似遊絲百尺牽
見說人歸歸雁後
那堪淚落落花前
南都翠黛宜為史
北里紅箋定幾篇
爭似碧牕銀燭夜
月痕依約話纏綿

李世熊

寄山中友人

深山深處結衡廬
草木蕭森致有餘
村市曉煙苔徑滑
石橋流水月窗虛
屋頭果熟秋中落
牆角蕉肥醉後書
料得閉門多歲月
種來松樹近何如

廖孔說

采藥

采藥秋山萬木疎
霜吹瘦骨倦鋤餘
雲多忽訝寒峯失
僧少常逢古屋虛
叩石杖聲驚睡鹿
臨溪笠影亂游魚
翠微十里無人到
時過菴西聞讀書

雨中送春二首

迢遙煙驛欲何之
地角天涯總別離
霧濕提壺催祖道

煙寒杜宇促歸期徘徊柳岸鞦韆處惆悵蘭亭袂褱時
此約再來須隔歲潘郎那不鬢如絲

綠陰和水草和煙今夕明朝頓爽然才到棟花飄暮雨
已看榕葉似秋天乍添吟鬢剛三月暗減閨心又一年
不信古人癡似我曉鐘欲盡轉難眠

田狩龍

西爽樓秋晚

白髮盈簪老遂良秋風擺稷弄清香一簾細雨入幽夢
半面殘陽出晚涼吟罷薰爐餘獸炭病來藥草識山薑
西樓危坐成何事月落烏啼欲斷腸

麻三雍

中丈人

自平陽還襄陵道中聞蛙作六朝曾響響因風
三月三日試春衣千山萬山花亂飛行人何處覓相識
啼鳥有時催早歸日漸衝山鞭影急煙初迷樹水光微
草深陣陣喧蛙鼓鵝鴨軍聲似也非

蘇州王屋

送黃海歸新安

清秋客子歎歸歟載酒題詩一送渠細雨亂山遮汝去
淒風落葉對誰居江村處處休黃犢野店家家賣白魚
見說雅懷多不減每逢佳勝輒停車

陳衍

題邵大行薰亭

印選月詩

卷之九麻三雍

王屋

陳衍

王留

御選日言 卷之六
一片蒼山落案前，亭亭孤塔影嬋娟。
林花乍落猶含露，池水新生即有煙。
蝶趁侍兒登佛閣，鶴隨門客上漁船。
清光盡貯軒庭內，獨榻拋書抱石眠。

風王留 淮北道中

沙灘高下浴鳧鷺，新出菰蒲綠未齊。
移橘過淮應化枳，種楊當路半生稊。
船頭鼓角頻逢驛，河上金錢浪築堤。
醉後無端千里夢，直隨明月到深隄。

初冬客懷

傍澗誅茹十畝宮，主人閒即往山中。
藥苗飽雨分畦綠，楓葉酣霜合塢紅。
半夜樵歌寒趁月，六時僧磬響因風。

如今徙倚都門望，凍草僵沙是處同。

李奇玉

過京口

蕭條書劍下關河，芳草萋萋客裏過。
原上鶯花三月暮，天涯愁病一身多。
海門帆影移青嶂，山寺鐘聲到綠蘿。
入望自知鄉國近，那堪斜日聽漁歌。

楊廷樞

舟中

野岸官橋路已蕪，寒江暮雨客舟孤。
煙中帆影時開落，霧裏山光半有無。
宿鳥驚心猶未下，哀猿引臂自相呼。
淒其古渡黃昏候，一點漁燈起荻蘆。

吳太冲

朱美之攜酒過話

綠陰叢裏放玫瑰石几相延坐碧苔
百里雙鉸春酒釀一年幾個故人來
廚丁細切溪頭筍穉子貪爭屋角梅
信道朱游能折鹿譚經且喜得相陪

楊廷麟

秋興

北湖菱葉近漁家煙浦荒荒雁路斜
濕鳥立沙聞社鼓野人當戶伺田瓜
月明露上蒲萄蔓夜靜風生葭蕩花
悵望故園溪外渡一聲橫遠冷蒹葭

顧咸建

詠落葉

杖策滄江思不禁乍逢搖落一驚心
迎風野鳥當枝坐泣雨寒蛩抱葉吟
掃徑空餘千樹曉卷簾獨對萬峯陰
幽居一夜聽蕭瑟片片隨流不到林

文德翼

池口阻風

伸脚篷牕西日移打頭蘆渚北風吹
沿城路僻多蚊蚋到夏江深少蛤蜊
山色杳冥歸謝朓笛聲惆悵憶桓伊
頽年自笑滄洲客破浪那能萬里期

劉侗

久遊復至鄂得家信將別黃宗之

出門未暑秋仍滯十度曾登送別舟久客畏聞家有信
逢人俱道邑無收衣糶不恥因良友僮僕多言怨漫遊
夜夜酒同鄉夢醒舍邊雞與渚邊鷗

萬泰

客中初度

朝來虎阜攬春暉矯首林泉興不違故國青山殊自好
王孫芳草幾時歸遙將兒女庭前淚灑入江湖客子衣
舉目傷心歌舞地多情楊柳故依依

堵循錫

舟次懷人

西風客路自禁支迂目林蒼覓所思喜不醉人村市酒

苦難成句意中詩山閒似古時窺牖鳥伴如求共悅枝
永坐論心誰得許伊人秋水溯清漪

婺署秋懷

雨牕無事草侵除清晝簾垂步較疎千里涼生今夜月
四更夢得故人書踏歌自詫狂非昔丸藥何曾病減初
旅況入秋真坎懍放衙愁聽鼓潭如

宮繼蘭

南枝雜詠

錄一首

抗疏年年擬掛冠崦嵫日晚寸心寒白雲遙指來千里
南雁歸飛過幾灘腸熱不知時局冷情窮猶賴主恩寬
前途說近揚州路夢裏先承膝下歡

御選日言 卷之六
王鞠劬秉憲西川殿甫詩以勸駕步韻
別墅寧能臥謝安時艱特借惠文冠建牙自識君恩重
叱馭何妨驛路寬烽燧無煙餘繡斧陽春有脚佇雕鞍
劍關錦水經行處難蜀書成取次看

倪長圩

秋日過張子讀易居喜遇顧徐二子

一櫂迎秋傍晚涼疎牕燈火舊書堂窮愁久識張平子
著述重逢顧野王江上蒹葭方浥露洲前鴻雁正經霜
南州孺子聞名久知有鴻文石室藏

蔡道憲

尹尊子讀書衡嶽特為我來詩以答之

嶽雲未隔幾重山君渡湘江費往還識面何須心便苦
多情自悔夢難刪千家雨後花猶濕一片霜中石已頑
為我躊躇峯頂望薜蘿有路總應攀

陳子龍

同初世培侍御泛鏡湖

越溪千折繞山流黛色橫分曉蕩舟五月陰晴天漠漠
一川風露草悠悠鳴榔空翠煙中市捲幔輕紅水上樓
十二雲鬢飛不定獨留月鏡照人愁

錢塘東望有感

清溪東下大江迴立馬層崖極望哀曉日四明霞氣重
春潮三浙浪雲開禹陵風雨思王會越國山川出霸才

依舊謝公攜屐處紅泉碧樹待人來

晚秋雜興三首

江關海嶠接天流玉露商飈萬里愁九月星河人出塞

一城砧杵客登樓荒原返照黃雲暮絕壁迴風錦樹秋

極望蒼蒼寒色遠數聲清角滿神州

太行東出擁神京古塞秋風右北平笙鶴已辭滄海使

貂蟬初撤羽林兵清霜玉沼芙蓉苑旭日金鋪翡翠城

魚鑰時傳宣台急侍臣通籍在承明

玉泉西去翠微宮碧瓦丹樓極望中連騎每從三市出

題名時在五陵東金莖夜飲仙人露銀漢秋高少女風

迴首欲陳閫闔迴昇平今已屬羣公

晚渡錢塘

吳山越岫隔中流簫鼓平明青翰舟萬里晴江開曉郭

千帆春草送芳洲桃花欲落潮先至鶯語初聞露未收

何事西陵常問渡不堪獨上望京樓

送吳巒穉司李桂林

翡翠巢邊匹馬過千盤桂嶺鬱嵯峩南浮灘水啼猿滿

北望君山落雁多蠻府官閒能作賦漢廷恩近憶鳴珂

愁心獨繫張平子欲寄琅玕奈遠何

寄馮留仙巡撫天津鄴仙拜少司馬一時命下賦

左樞司馬擅良籌憲府中丞擁上游兵柄一門推世將

軍容兩地接皇州三邊烽燧甘泉夜萬國梯航碣石秋
昔日二馮歌魯衛看君兄弟並封侯

夏允彞

千山澗中

暗綠資山畫不明水痕初沒荻無聲雲能覆岸鷗衣暖
竹肯移暉鳥夢輕汲女改瓶羞斷綆漁兒踏鯉貫花莖
春橋此曲多風樂別有傷心問濯纓

曾異撰

雨經富陽

小縣飛樓俯驛亭竹間樹杪恣揚舲溪山病亦開蓬看
風雨眠猶翦燭聽永夜潮來江上白浮嵐畫入井西青

石尤前路無妨阻好住嚴灘問客星

梁朝鐘

將出皖留別楊六符沈乃功唐聖俞徐譽星諸
先生時予將入襄歸粵

船傍垂楊別緒生煙含春樹雁歸聲羣公縞帶遺吳錦
幕府青絲唱渭城幾樹烏啼趨夏口何時馬首望西京
江南江北如相憶千里高樓待月明

方以智

贈閩中劉薦叔

聞君昨歲出溫麻作客荆吳不顧家萬里風塵憑漏影
十年慷慨弔懷沙單衫葉落秋將盡小社城迴菊有花

解后高談共尊酒東谿涼月浸蒹葭
送別劉薦叔

遠遊才子著先鞭載筆江湖又十年白眼相逢秋色裏
青山環立酒盃前一時快意難題盡千古銷魂是黯然
重詠謫仙黃鵠句齊飛挂在落霞邊

李公桂

春日

柴桑歸去興如何老我谿山活計多白酒春寒逢社醉
青蓑雨過答漁歌儘容茅屋招新燕更鑿荷池浴乳鷺
閒裏韶華元自好願將餘歲伴煙蘿

萬曰吉

謝客

角里先生小築居蕭然衾枕半牀書閉門覓句江湖外
濯足招魂雨雪餘卯酒動思千日醉辰瓜準擬一犁鉏
五陵公子多裘馬同學何人問草廬

陳瑚

新柳

東風細剪綠千條惹得輕煙自昨朝曲曲乍描京兆筆
纖纖初學小蠻腰陌頭走馬嬌難繫枝上啼鶯怯未調
最是送人添別恨不堪攀折上河橋

朱一是

同友人再遊虞山

徐選明言 卷之九 錢茶
輕舟十里泛平沙雲外虞山一半遮隄勢遠迴言偃墓
草痕青入仲雍家野泥初坼未開筍溪雨欲流將盡花
乘興不辭今日醉此身誰記在天涯

錢茶

題畫寄敬哉

千峯涼處隱孤廬匹練飛來散玉除閱世愁看數莖髮
懷人靜倚一牀書濕雲江路鷗眠晚落日橋心雁斷初
屈指秋光兩度別墨花遙洒自蕭疎

秋懷

叢桂秋深始著花泥人清賞踏晴沙掃來落葉供煨芋
補就疎籬學種瓜芳草欲迷高士屐青山長護野人家

衡門自有閒功業不向旗亭問落霞

魏學濂

送方仍詰畫師

客愁難遣早思還今日才偷畫筆閒扇底生風搖古木
屏間欲雨展春山無聲好句如元白一樣中鋒亦柳顏
却好入春歸棹遠滿江粉本水灣灣

讀韓琮商山店詩戲擬其體得樓下曉泊

一夜東風趁客舟篆煙飄處輶淹留帳鉤觸柱人初起
奩粉吹香撲未收開箔先攏金約臂插花仍露玉搔頭
誰能化作長干水日繞妝臺四面流

張若羲

杏花初放遇雨

瓊宮仙女下雲車
縹緲層霄落絳霞
寶鼎千年新結子
赤城二月盛飛花
陌頭柳色先春換
隄畔溪聲帶雨斜
記得皇州曾爛漫
不堪重入野人家

溪邊桃花

開徧紅桃二月天
河邊小景更嫣然
輞川畫就連漁火
洛浦神來隔楚煙
拾翠佳人看走馬
彈絲游俠望鞦韆
凭欄一問東流水
花落無言又幾年

西湖

三月遊人去不留
獨攜小艇漾中流
掠波翡翠無端過
出水鴛鴦故意浮
已對淡妝遲夜月
更迴素影待空秋

六橋煙景仍無恙
載酒重來散百愁

燕子磯

七月江頭燕子磯
銀濤捲雪花飛檣
烏夜集珠光合
青雀晨來嵐翠微
風動帝城雲縹緲
月臨天塹影依稀
旅人四眺多憑弔
白露橫空點客衣

維揚夜泊

隋堤柳樹尚依依
臺榭荒丘燕子飛
繡幙銀燈迴去馬
風檣雨櫂濕征衣
城隅畫角黃雲滿
溪上鳴箏白露稀
二十四橋孤枕夜
蕪城秋色動漁磯

再集第一樓

峒堯一望夕陽收
遠陌孤帆起暮愁
幾處笛聲吹折柳

何人臺畔獨悲秋，樹梢高插雲端出。鳥背平看天際浮，極目河山空佇立。越王臺榭委荒丘。

十四望金山

疑從蜃氣結為臺，天半芙蓉水面開。百壑那能探到底，一峯何處特飛來。登臨可得龍蟠勢，瞻眺應須虎變才。指顧風帆已千里，蛟宮鼉鼓吼如雷。

候風

篙師估客意飛揚，錦纜牙樁思淼茫。北溟鯤魚期變化，南圖鵬鳥待翱翔。江空水氣連天白，日落沙光動地黃。夜半松濤來萬壑，濟川舟楫詎相忘。

九日雨酌

無端風雨又重陽，蕭瑟楓林自舉觴。阻我青山曾有約，撩人黃菊幾時芳。空庭暗落高梧影，幽砌微聞濕桂香。猶喜携筇雙屐健，客來應不厭蒼涼。

溫璜

寄友

靈隱峯前手暫攜，千章新綠子規啼。眼邊流水春重到，別後停雲思幾迷。俯聽露珠傳點畫，驚聞藥裹亟刀圭。殷勤簡付遺方法，茹澹安緣緩杖藜。

黃淳耀

次韻酬別張子石

百丈牽江一線平，勞君客裏念歸程。即看去住誰能料，

御選日言 卷之六 劉曙
可是分離莫漫輕白鳥背飛星子驛朱旗遙颭石頭城
船牕日把詩篇坐香草含風處處生

黃張貞白有離世之志作別廬舍詩見示余反其
意留之

瓜廬小結在塘坳城市翛然即遠郊谷為愚公寧避辱
亭因楊子不辭嘲鳴蜩秋盡猶綠砌舞燕春深亦認巢
莫愛雲松棲絕壁山中依舊要誅茅

劉曙

湖梢曉汎

湖氣初開澹澹中掛帆回首認垂虹盤餐飽領諸山色
夢醒平分昨夜風細浪未經魚罟亂輕霜微辨橘林紅

無端浩蕩生悲慨獨往情難與衆同

新正十六日過郭君昌園亭探梅留題

疏泉列樹繞春隄萬白參差一望齊果下馬行欺鶴蹙
池邊人醉擁香泥午風寂寂光先亂春霧冥冥思欲迷
聞說鷓鴣曾借宿鶯花錯認苧蘿西

茅元儀

春夜同屠冷玄于該博堂前坐月

杯停花睡正三更寂寂閒除澹慮生月洗纖雲天似潤
風搖狂絮柳如醒乍尋詩味抽春筍難冷交情炙凍笙
留得一詩存勝日侵晨又去伴啼鶯

葛一龍

煙雨樓

煙雨樓頭春乍晴
鴛鴦湖上鳥嚶嚶
中浮片席空三面
斜抱千家截半城
漁網曬來風柳變
酒船搖出浪花生
夕陽慣照凭闌妓
一抹遠山紅袖明

馮鼎爵

知非

端居曾不羨
遭逢五十年來事
事事蒙半偈
常持朝與暮
一尊不慮雨兼風
尚偕妻子蝸粘壁
每赴山林鳥脫籠
莫聞兒童花草隊
鬢眉白早誤稱翁

仰居自題

半生已過更謀居
水北山南漫結廬
一派濃陰迎杖履

數彎濕碧飽瓜蔬
避人不復新求友
無事重緝舊註書
并撤東籬招爽氣
飄零素業本空虛

董養河

山居和陳元凱韻

日日千峯雲覆垣
蘭畦菊町地偏繁
洗盂不厭山僧淨
爭席時聞野老喧
澗底撈蝦喂鶴子
花間聚蟻飼雞孫
賣將殘卷完租稅
清夢無驚吏到門

吳德操

秋興

莆田七月海風秋
誰到江東寫我憂
露冷芙蓉王儉幕
書藏夾漈鄭樵樓
卜居未有安危信
行路方知出入愁

笑指雙星河漢闊明朝未必渡牽牛
莆田王時敏

西田感興

自媿生平百不能桑榆息影倚枯藤
微茫暝樹孤村杵
明滅漁舟遠淑燈往事淒涼難再說
新愁雜沓最無憑
況今禾黍淹淫雨白日秋來見未曾

日日朱茂曙

秦淮河春游即事

橋下溪流燕尾分灣頭新水慣前裙
六朝芳草年年綠
雙調鳴箏戶戶聞春雨杏花虞學士
酒旗山郭杜司勳
兒童也愛清明好紙翦風鳶各一羣
無事重書詩書

馮鼎位

月下聞笛

露下芙蓉夜氣清
愁聞短笛弄新聲
誰傳千載柯亭管
調出三秋故國情
風外餘音還斷續
曲中離緒轉分明
來時折柳曾相贈
吹得今宵夢又生

懷社中諸子

風塵世路悲青眼
長嘯悠然有所思
故國雲山勞夢想
天涯兄弟憶參差
春風幾度平原酒
白雪諸君梁苑詞
搖落故人羈旅客
南來雙鯉信偏遲

舟中和陳卧子作

波搖落日衆山青
載酒談奇是舊盟
蘆荻洲邊迷野色

芙蓉江上淡秋情舟疑有道同元禮詩愧中郎和少卿
試向中天呼月出驪龍滄海戲珠明

李士標

江行即事

渚鷗一泛春聲江面煙消萬里平花月故臨揚子渡
布帆無恙潤州城蒼茫曉色迷鴻雁欸乃歌聲怨杜蘅
放眼正愁煙水闊亂山天際忽縱橫

徐時勉

上元日憶鄧尉光福諸山

東風殘臘早探支改歲尋春較客遲老興却當全嬾日
梅花又過半開時雪消最愛西山路頭白重吟東閣詩

拄杖籃輿迷望處年年搖蕩看燈期

馮夢龍

冬日湖村即事

蒹葭一望路三叉遙認莊窩去路斜舟響小溪過蟹舍
屋頽高岸露牛車輕霜隄柳餘疎葉暖日村桃早放花
平野蕭條聊極目遠天寒影散羣鴉

張紀

江村春望

春風爛漫遶天涯曳杖江村攬物華身在故鄉仍是客
心從安處即為家貧來生計號寒鳥病後居諸赴壑虵
更得幾年還健在青門常種邵平瓜

印選月寺

徐時勉

馮夢龍

張紀

三

徐同貞

二月春寒未減衣嫩晴天氣日熹微
桃花落盡水初漲燕子來時筍正肥
林外酒人浮白去莎邊游女踏青歸
却嫌輸與東京路尚欠郊原綵索飛

丘上儀

千齡社集詩
孤村冒雨墊綸巾一濯衝寒破水淪
自是素心堪共侶好將末俗使還淳
藏身曾學姚平仲招隱誰呼初孔賓
良會詎應誇競病舉盃且盡甕頭春

張鴻磐

詠茉莉

九里花田上顛航慣先朱夏鬪芬芳
貯來深院人人喜開近斜陽夜夜香
養徹龍膏專薦寢緊盤蠻髻更添粧
西窗月色涼何事照見明珠隨枕旁

歸昌世

詠落葉

除却離憂百事慵重來苔徑舊時蹤
江清秋響風催棹鳥去庭空月照筇
回首獨愁千萬樹隔林細數兩三峯
茫茫顛顚初冬色颯沓時聞五夜鐘

馮延年

簡張天生

行遊日言 卷之六 袁徵 郭金臺
共誰聽雨夜連牀獨擁殘書快雪堂雲斂鷺巢從樹出
風來藕葉倍花香平湖小舫空秋月斷塔孤峯愛夕陽
吾欲糟丘營此老待君同酌水仙王

袁徵

文彥可移居和子垂韻

椽鞵桐帽野人裝家具無須載滿航臺隱客星垂釣處
山留君子讀書堂宵同巢鶴聽松雨午就溪僧煮蕨香
張北周南鄰可卜結茅終擬儻君旁

郭金臺

宿上封寺

望盡南天不可捫到來始識上封尊衆山却立如空壘

絕頂平蕪一小村人定莫教鐘破寂峯高直有月侵門
禪關無諍聲聞淨帝座平看尺五痕

寄馮其立

不惜舟車萬里身白頭潦倒轉風塵使君兩度論賓主
幕府三年歷粵秦嶺表開樽應盡醉巖疆得句幾回新
題書滿野秋風颯歲晚梅邊憶故人

姚士燾

送郁文茂赴新寧州幕

佩刀曾說夢中懸南赴邕州下瀨船秦吉了能傳訟語
那投猺肯納官錢荔房摘供紅溥露榕樹排衙染綠天
蠻幕有時趨大府媿隅應和郝生篇

沈章

靈谷寺看梅

下馬看碑度孝陵山椒十里樹層層半開香氣清於水
一路人家靜似僧春動粉鬚都化蝶夜寒花片欲成冰
思憑一枕羅浮夢月白煙黃睡未能

徐仲選

水村

照檻晴光眼欲迷瘦藤斜影度橋西沙頭白鴨黃鵝睡
籬畔瓜棚豆架低屋似魚船疎荻繞亭如僧笠稚松齊
此鄉風景真堪戀只合携餅坐菜畦

朱隗

天長苦雨

縱橫野水斷人行荒綠推窗一望平傍舍秧齊聞擊鼓
北方敲鼓插秧隔籬花短見移檠天涯弟妹連宵夢澤國風煙幾
日晴酒醒空堂涼不寐怒雷驅雨入湖聲

孫淳

玉峯塔下別天如

經過便聽塔鈴聲誰解銷魂此日情客為譚深催別暮
船隨潮便報帆輕偶因懷友重憑檻悔不看山再入城
二十餘年芳草寺隔查相望水盈盈

劉城

九華雜詩

祇園高處不勝寒四望悲風獨立難我以輕衫當晝解
僧言殘雪昨宵乾木皮覆屋冬偏好竹葉編籬卧亦安
忽覩金光爍初地滇南一塔日中看

顧玘徵

感舊

烏衣門巷舊游非王謝堂前燕子稀有客有客莫遑處
式微式微胡不歸乾坤萬里愁雲合風雨三秋落葉飛
極目天涯誰與語釣篷思老一魚磯

唐獻可

次白門江上

十日無端學泛家隨緣詩酒坐星槎汀頭煙舞盤青鳥

江底光翻墜彩霞浪激寒潮初破夢月移子夜淺銜沙
長年快說東風急吹落蘆洲幾里花

潘一桂

冬日

寂寞江干深寄跡一巢無計拙於鳩履如東郭笑何病
賦似長卿貧不憂白景驅愁催短髮歸鴻銜夢下寒流
何時小築菟裘地著在蒼山碧水頭

邵昇遠

田家樂為陳孟言賦

香稻收花穗已齊幽棲渾似瀼東西萬竿修竹千叢菊
十角黃牛五母雞婦起炊糜朝出饁客來留榻夜分題

橙黃蟹紫新醅熟日日何妨醉似泥

徐爾鉉

訪法相西上人作見示次韻酬贈

卜築孤凭絕壁間靜中詩思幾曾刪
臺前歸鳥如相識窗外浮雲即等閒
一徑野花常到眼十年清夢不離山
我來共對飛泉下日落松鳴去復還

陸瞿彌俞彥直張藍田馮素生醉月竹西軒懷

唐尹季張子念

閒中宴笑可相求水上亭虛恰勝舟
入座月爭先後得侵杯花競淺深浮
從來酒國難為夜莫把歡場易送秋
醉倒胡牀人勿訝霜天幾作異鄉愁

湖心寺

春望葑田綺繡成紅舫淺蕩縠紋輕
一聲磬響隨雲遠數曲橋闌貼水平
柳暎圓波魚極樂塔連殘照寺空明
天然獨擁諸峯立酌茗寒潭韻更清

吳棫

無題和斗生二首

海外雲生碧浪陰蘋鱗蒼雁總浮沈
寥寥天漢雙星小寂寂梨花一院深
貞玉有光還易見明珠無定杳難尋
輕鸞欲繡愁無力除是靈芸七孔鍼

巫山遠在暮雲中愁隔春燈一點紅
莫道金刀難翦水須知紈扇也驚風
化為蝴蝶飛纔並除是鴛鴦睡不同

御選明言 卷之九
最是游絲無賴甚又牽春去過牆東

朱樵

新柳同陳確菴賦

日煖江干二月天風吹楊柳色娟娟漫愁力怯難勝雨
已覺情多解惹煙池上只今方釋恨陌頭何處不堪憐
往來便恐輕攀折寄語離人客路邊

秋柳

東城南陌思無窮煙淡鶯殘事不同漢苑風情寒薜荔
灞橋顏色老梧桐蕭疎野店殘陽裏寂寞池塘細雨中
何限相思誰共語可憐迢遞待春風

曾元良

秋柳

俄驚搖落渭城邊悵望遙隄絕可憐病葉幾能禁驟雨
柔條猶自鎖寒煙從教歌院頻翻譜忍見郵亭更折鞭
淒斷新霜板橋曲衰荷相伴曉風天

吳騏

三月三日集六益齋得微字

永和癸丑蘭亭後江左風華歎式微草澤行吟心不展
英雄沉醉計終非坐看日晏人空老不覺春深花自飛
紅炬將殘共分手非關別恨獨沾衣

鹿門草堂宴集分詠漢高

武媪壚頭酒未闌醉中斜戴竹皮冠秦皇東望驚雲氣

神母西來哭夜寒萬里冥鴻懷綺季一時烹狗負彭韓
未央上壽真無賴活得杯羹且盡歡

得王玠右書言及荳苗為蟲所食

美人離別動經年燈下欣看尺素傳落落晨星傷聚散
盈盈天漢阻纏綿鳳凰久失丹山樹螟螣休侵彭澤田
念我飢驅長作客窮愁相對一潸然

做義山體

碧瑣花光繞鏡臺畫梁雙燕正飛迴東方千騎踟躕立
雲際高樓縹緲開大路攬袂私未敢春風吹夢或容來
自憐夙有專城壻辜負君家作賦才
綺閣微吹淡淡風海棠猶在錦帷中枕前文蛤千年影

堦下珊瑚八尺紅小袖李文春思薄息肌沉水夜香通
六更更報蓮花漏莫道朱欄日色融

碧海波平月滿輪笙歌千騎踏香塵十重錦帳時時夜
五色鮫綃樹樹春嘉果合歡馳騎急長蛾宮樣曉粧新
芙蓉一萬開南苑誰是當年第一人

來青樓看海棠

積雨兼旬春事遲朝來晴日散遊絲扁舟西去水平岸
喬木參天花滿枝國色驚心看不足舊遊如夢立移時
憑欄日暮無歸意月下重傾金屈卮
清曉繁花更動人日光初著露華新嫌山紅雪飛初定
泉客鮫綃染未勻短髮暗傷春色暮窮交老覺酒杯親

歡娛莫放今朝暇回首東甌有戰塵

贈林安國

蚤歲遨遊洛水濱那知天地忽風塵玉顏暫作平原客
皂帽終非魏氏臣家散萬金無德色書成千卷有傳人
吳剛向在清虛闕期爾同登七寶輪

次韻酬丁昺菴

草舍叢篁不見天素琴掛壁本無絃餘生久已依長鍾
國士虛勞贈綵牋濁酒但須娛暮旦浮名何用問千年
有涯莫與無涯競最愛南華第二篇

喻應益

滕王閣

飛閣千年勝跡留層巒遠水檻中收萋萋岸綠王孫草
湛湛江平帝子洲煙樹尚含羅綺怨風濤不散管弦愁
飄零莫縱登高目門掩斜陽獨下樓

陳鴻

留別敬師

浪遊行橐倍蕭然但有山僧送上船月白不堪蓮社別
日高難戀竹房眠曉糧載少癯同鶴秋思悲多亂似蟬
後夜憶師空夢寐淮城東畔寺門前

王鏞

九江道中

離鄉已遠斷鄉愁風物無邊飫浪遊異壁煙霞常共色

一灣鷗鷺各分洲
青山雜樹陶潛縣
明月孤城庾亮樓
身寄片帆如過鳥
舟人指點屢回頭

鍾曉

春愁

虛館春愁鬢欲彫
更緣多病暗無憀
筍思出土猶藏甲
柳學迎風漸折腰
盡說黃金長不壞
那知碧血最難消
何須西上蘇臺望
一笛殘陽舊六朝

喬長史

詠醉楊妃菊

嫋娜嬌姿不耐霜
芳根移得在朝陽
帶將春色三分豔
散作秋陰滿院香
傾日尚疑聞羯鼓
臨風猶似舞霓裳

祗愁野鹿偷銜去
寂寞梨園空斷腸

御選明詩卷第八十九

萬金一首

夷簡四首

清濬二首

曇噩二首

智及一首

良琦三首

廷俊一首

懷渭一首

德祥十一首

妙聲一首

至仁三首

法住一首

如蘭一首

大本一首

似杞一首

道衍二首

溥洽八首

德珉二首

大同一首

覺澄二首

倫一首

懷讓二首

玄穆一首

明秀三首

文湛一首

定徵一首

廣原一首

方澤一首

宗林二首

雪梅一首

德榮一首

洪恩一首

德清二首

法生一首

法杲二首

斯學一首

智舷二首

欽義一首

天遂一首

志淳一首

文貞一首

慧秀一首

泓灝一首

廣潤一首

宗乘一首

圓信一首

成回一首

無文一首

天邊一首

漁舟一首

管城一首

淇水一首

去來一首

去來一首

去來一首

御選明詩卷第九十來無處不主新

七言律詩二十三

張宇初

聞霜鐘

霜滿瓊林度曉鐘月華流韻徹晴空投簪幾憶鴻鳴露
欹枕猶驚鶴唳風銀葉香消深館裏梅花調遠古城東
十年感慨成無寐應律音長豈世同

鄧羽

寫懷

道人不作槐根夢一片虛頑太古心無雪可催蒼檜老
有家原住白雲深山頭月落虎長嘯海面風生龍自吟

世上何人窺此意野花啼鳥是知音

蘇入林復真

送東白副綱還雲間

三年客裏惜居諸此日功成貝葉書幾度賜衣沾湛露
滿懷歸興載籃輿山橫齊魯吟情好月落秦淮鴈影疎
若過吳門煩問訊故園松竹近如何

蘇蘇吳孺子

姚太史自錢塘移天目松一株舟中索賦

相公送客過錢塘移得蒼松數尺長枝帶故山寒雨色
根分新壤茯苓香舟中偃蓋童童勢眼底凌雲寂寂芳
歸去琴書堂上坐種來無處不生涼

祝萬壽

九日登高有感寄懷虞山錢太史

落木蕭蕭兩鬢皤登高縱覽舊關河漫嗟魚腹英雄老
爛醉龍山感慨多千古風流吹帽盡百年時序插萸過
石函君已鐫名久有約龍沙共放歌

梵琦

懷淨土詩

幾回夢到法王家來去分明路不差出水珠幢如日月
排空寶蓋似雲霞鴛鴦對浴金池水鸚鵡雙銜玉樹花
睡美不知誰喚醒一鑪香散夕陽斜

余嘗夢至一山聞杜鵑且約雪窗南還

從選明言 卷之二
出郭尋春未見春東華踏徧軟紅塵不知蝴蝶化爲我
何處杜鵑來喚人筍蕨過時惟恐老櫻梅如豆正嘗新
及今無事早歸去莫待秋風江上蓴

金山

半江湧出金山寺一簇樓臺兩岸船月轉中宵爲白晝
水吞平地作青天塔鈴自觸微風語灘石長磨細浪圓
龍化老人來聽法手持珠獻不論錢

宗泐

送王蕙芳之金陵

涼風一棹送君初秋雨荒溪草樹疎十載丹陽舊遊地
數封燈下故人書已看有志能投筆豈謂無門可曳裾

後日天邊見鴻鴈憑將消息報何如

登峨眉亭

千尺蒼崖一小亭大江東下入滄溟磯頭牛渚從來險
天際峨眉不盡青南北山川分歷歷荆吳檣檻去冥冥
十年兵後重來客獨倚闌干兩鬢星

偶作

新作方池水未平晚晴獨自繞池行好花都向雨中盡
幽鳥忽來林外鳴科斗黑時初種藕鴨頭綠處欲生萍
匡山舊業閒料理更結茅亭此計成

偶作次王以中韻

拄笏高人塘外居作詩直與古人如偶從荷芰香邊得

御選明言 卷之二
閒向篔簹節上書白露濕堦涼氣早青燈照壁雨聲疎
曉來不署金吾事帶劔承明去直廬

五山來復

登南嶽祝融峯

石柱盤盤紫蓋東斗衡垂耀亘天中水通巫峽三湘闊
地接炎荒五嶺雄別洞龍歸雲盡黑下方雞叫日先紅
一丘終老從吾願何待黃金布梵宮

題衡嶽天柱峯

一柱通天鎮火維層標拔起勢孤危翠磨日月盤三楚
影落沅湘帶九疑羅漢時來乘白鹿祝融晝下閃朱旗
神燈夜夜朝金刹知有高僧禮六時

次韻荅繆架閣兼柬陳元善都事

書劔東遊客四明風流從事最多情酒香邀共山公醉
詩好吟如水部清洗馬柳陰潮欲白呼鷹原上雨初晴
龍門定有重來約埽月青松聽瀑聲

送榮首座還日本

揚帆八月挂長風直遡扶桑碧海東雪窟潮翻銀甕白
天門日湧火車紅蝦夷覓偈迎沙島龍伯分齋候水宮
應有國人來問訊散花圍坐聽談空

送日本希白上人禮祖塔之金華

天香吹滿屈眴衣幾度承宣到鳳池梵語傳來西竺戒
華音吟得大唐詩樹間繞佛長鳴錫洞裏逢仙不看棊

無縫塔開瞻舍利千江月映碧琉璃

送雲講師名還吳門

老病蒙恩逐熱還寶泉頒賜起衰顏木杯度月百花外
榦笠挂雲雙樹間呪罷龍公齋鼓寂講餘獅子定鐘閑
也知去住無心好渾似當時未出山

送戶部徐主事謝官歸豐城

自慚官祿與時疎曉納牙牌別玉除朝鼓罷陳新奏牘
夜燈歸校舊藏書青桑五畝連雲種黃獨千株帶雨鉏
藉是身閒天所放不愁囊澀俸無儲

耕隱爲南昌萬用中賦

山莊別築楚城西百畝桑陰水一溪莎草雨晴黃犢卧

稻花風暖白鳩啼沽來官酒春祈社讀罷農書曉灌畦
孝悌力田新有詔姓名還向御前題

送錢子予新除博士致政還越中二首

除書新拜荷明君祖別春筵采泮芹餐玉未從仙老試
賜金應與故人分淖船夜渡娥江月山屐晴探禹穴雲
龍節虎符勲烈舊過家先讀表忠文
修髯如雪面如丹芰製新成野服寬湖近季真期卜宅
寺依靈徹話休官霜紅字葉尊前寫月白荷花鏡裏看
有約沃洲騎鶴去卧雲不畏碧山寒

題鍾山新寺後二日欽蒙聖製和章感遇之餘

謹再用韻賦

御選明言 卷九
寶刹新成護百靈鍾山泉石有光榮金輪朝佛諸天喜
玉帛來王萬國平定起不知明月上身閒只愛白雲迎
龍飛幸際雍熙日親見黃河一度清

題趙彥徵溪山小景圖

曾汎苕溪看晚霞紅蓮小艇穩於車水通孤岸橋依竹
路入重林屋傍花風外眠鷗驚客笛雲中吠犬隔仙家
秋波千頃芙蓉老誰覓王孫舊釣槎
送胡文善之官海南文昌縣二首
瓊州南去海冥冥婺女垂光應地靈洞入朱耶瀧水白
山蟠黎母瘴煙青郵炊每食枕榔榔麪蠻賦多輸翡翠翎
定有遠人歌善治風謠紀德重鐫銘

九域於今總一家文昌誰道隔天涯石榴紅釀蠻江酒
海漆香收瘴洞花寨上人耕春作市棠陰吏散晚休衙
蘇公應共題詩好儋耳泉頭駐小車

寄柬玉山處士

浮玉山前種紫芝松蘿雲月共幽期封侯不羨黃金印
對客長歌白雪詞柳浪平湖春放棹花陰圍坐晝彈棋
從遊公子多才俊不寄新詩慰別離

寄洞庭葉隱君

一舸南歸鬢欲華買山湖上卧煙霞尊如北海應多酒
園擬東陵亦種瓜丹壑泉春雲碓藥橘林風埽石牀花
傳家自與隣翁異只說藏書有五車

守仁

靈谷寺法會應制

寒巖草木正嚴冬一日春回雨露濃安石故居遺雪竹
道林新塔倚雲松木魚聲斷催朝飯銅鼎香消起暮鐘
千載奎文留秘藏天光午夜照金容

寄鐵厓先生

先生謝客居東里使者傳宣拜下牀樂府謾推梁子範
禮經須問魯高堂酒頒捫馬來光祿賦到龍旗說太常
賜老鑑湖猶有待山陰茅屋未淒涼

二月三日泊瓜洲渡與吳菴同賦

淮煙漠漠夕陽收楚樹昏昏翳客舟風度鐘聲來北固

帆將燈影過揚州雲銷碧海天無際波撼金山地欲浮
獨恨壯游非昔日滿江風露夜如秋

荅王叔潤

天祿燃藜嬾校經鷁舟隨處泊鷗汀西風舉扇無王導
東海移家有管寧溪雨初晴雲更白湖霜未落草猶青
客樓寂寞江天外幾度遙瞻處士星

寄樸隱南州

泖上歸來百事慵一春愁緒似衰翁卧聽溪閣三更雨
數到江花幾信風舊日親朋多楚越孤雲踪跡尚西東
舵樓晚飯人如玉清夢無時落鏡中

三月廿八日早渡浙江

御選明詩 卷九
塵事縈心不暫安天涯憂抱若爲寬人因病久交游絕
士到名成出處難水國鷄鳴催客渡山城花落送春殘
會當一壑忘情去得共雲松老歲寒

寄戴伯貞

東望湘雲客思多故人歸計近如何江都夜月瑤花夢
海國蠻煙荔子訶落日麒麟猶草野滄江鷗鳥亦風波
碧桃窗下聽春雨誰肯金貂換綠蓑
浮丘山下見劉蕢每說交游獨念君鼠尾謾誇狂博士
虎頭誰識舊將軍孤舟夜雪臨丹壑破屋秋風補白雲
我是玉山堂上客幾時呼酒細論文

寄題雲屋

答倪元鎮

禪榻清談屢有期茶煙想見鬚絲垂春風水榭停蘭槩
夜雨湖山寫竹枝甲煎沉香都入夢新蒲細柳總堪悲
鷗鷁飛處重相憶擬和樊川五字詩

次韻懷冷泉禪師

八年京國鴈書沉每見游僧問好音已喜法支流日本
賸傳詩價到鷄林馬嘶赤撥晨朝散花落攴揄午定深
今雨不來春又暮鷺峰煙樹綠成陰

送馮以清調成都衛知事

越客傳來浙上書故人闕下拜新除荆門馬度霜晴後
峽口猿啼月上初鐵筋灰寒參畫外戈船風動笑談餘

清秋幕府多閒日為訪文貞舊隱居
 大荒南去渺煙沙萬里曾乘奉使槎
 得句多留支遁室藏書未減鄴侯家
 風清曉殿陳三策日靜秋庭判五花
 惆悵西齋涼月夜山柈誰共薦槐芽
 題耕南為王子安作
 讀殘書卷雨聲稀耕破春雲晚色微
 瓦缶自傾蒼朮酒金貂不換綠蓑衣
 江花未落秧針短隴草初深繭粟肥
 翻笑義熙陶縣令田園荒後始知歸
 次韻沈文舉忽見梅花
 看梅曾感故園情每到開梅別恨生
 舊樹已從兵後盡

新枝忽見水邊橫夢迴山閣梨雲白
 月滿江城畫角清欲寄西湖早春信
 楚天霜冷鴈無聲

萬金

乙巳清明泊舟柳胥浦

柳胥浦上綠楊邊客裏清明繫客船
 莫遣桃花作紅雨且看榆火散青煙
 笙歌漫說承平日耕稼深期大有年
 邂逅農人且相慰軍儲無限望吳天

夷簡

正月十三日三鼓上御奉天殿集公侯百官奉

上佛表命禮部尚書齋赴鍾山啟建法會

御手封函出紫宸百靈効職共紛紜
 尚書夜待三更漏

使者朝持五色雲宣室鬼神徒有問茂陵封禪謾能文
陳情此日趨靈鷲萬歲千秋報聖君
十五日上服袞冕乘輦輅赴法會至日夕迎佛
上率公侯百官臨法筵供佛行大禮樂用善世
等曲先是十四日微雪尋即開霽是夕星月在
天風露湛寂絲竹迭奏燈火交輝禮儀之盛前
古莫及賦迎佛禮佛送佛三首
鷲嶺幡幢下界來先令滕六淨氛埃微風不動燈如晝
明月初昇樂似雷宿衛萬夫嚴虎旅從官千騎駐龍媒
袞衣儼在通明殿一朵紅雲擁不開
天子臨筵禮覺皇衣冠陪位亦侯王寶臺高處金蓮色

珠樹中間玉珮光幣帛奉陳先盥洗茶甌初獻謹焚香
漢庭不必論前夢親覩金容在上方
皓月華星傍九霄夜深端坐聖躬勞樂聲按舞魚山近
花雨飄空鷲嶺高玉冊讀文傳太祝金柈捧奠出儀曹
從容望燎鑿輿動目送中天白玉毫

清濬

上命和山居詩

老來一鉢住巖幽塵境無心得自由空裏每看花滿眼
鏡中漸覺雪盈頭吟餘月照千峯夜定起雲生萬壑秋
身世已知渾似夢百年光景水東流
白髮山僧住翠蘿餘生身事任蹉跎倦從石上支頤坐

閒向雲中拍手歌
舍利現時光煜煜
伽梨披處影娑娑
鍾山咫尺城東地
草木偏承雨露多

金山寺

崢嶸兩岸市廛開
愛靜人尋此處來
水底有天行日月
山中無地著塵埃
塔擎燈影明雲杪
船載鐘聲出浪堆
自信平生有仙骨
好風吹上妙高臺

智及

荅東臯伯遠法師

東臯尊者隱郊墟
小小屠蘇睹史居
切柏代香朝演法
捲簾進月夜抽書
村園菓熟秋霜後
花徑苔生宿雨餘

心境兩忘諸幻滅
更餘何處覓真如

良琦

春日寄東趙仲光沈自誠二友

二月湖州動客心
青山粉堞帶春陰
溪溪漁屋桃花靜
面面歌樓柳色深
西府門閑鷗自到
東林酒熟客誰斟
風流二妙如相問
爲道清吟瘦不禁

秋日歸虎丘懷銛仲剛書記

虎丘共作五年留
幾度相攜上小舟
楊柳春橋半塘寺
芙蓉夜月百花洲
長林放鶴閒支遁
一室編蒲老睦州
此日獨歸懷往事
空山草樹不勝秋

春草池綠波亭

桃溪綠水接深池芳草如雲護石磯色映湘簾春雨細
波明畫舫夕陽微最憐才子新成句因憶王孫久未歸
況有高亭更蕭爽日長留客看清暉一室餘韻未

武王廷俊 五平留幾更 醉謝土小武對 春辭半曹志
呼紫雨 石頭城次王侍御韻 圖書臨水底有天行日月

袞袞長江去不休巖巖盤石踞城頭千峰日落淮南暝
萬樹風高白下秋流水尚遺諸葛帳東風不與阿瞞留
中原一髮青山外萬古終為王謝羞

懷渭日寄東鼓軒次自始二文

送仁一初上人遊武林

舞鳳飛龍若箇邊天涯送遠獨淒然江山南渡降王宅

風雨西陵過客船踏雪馬塍春買樹鬪茶龍井夜分泉
落花寂寞東歸日煙嶼冥冥叫杜鵑

德祥

聽雨篷

溪邊茅屋兩三椽寬窄真如一釣船幾樹暮鴉篷底看
一瓢春酒雨中眠舊愁無復來心上新夢何由到枕邊
我亦江湖釣竿手菰蒲叢裏住多年

寄余復初鍊師

崑峯峭峭玉叢叢有意尋仙到此中流水年華逢甲子
秋風城郭見丁公門前丹氣無人識洞裏棋聲有路通
借得古松同鶴住共看塵世事匆匆

南浦春耕

索索繰車谷口聞鳥催農事日紛紛
新生野水瓜藤繞舊作田塍井字分
耕雨每憐黃犢健帶經猶愛小兒勤
晚風獨立溪橋外流水桃花一隊雲

峩溪晚釣

牛渚山前白鷺飛船頭坐得便無機
鶯從柳絮風中聽魚到桃花水後肥
有夢只因懷太白逢人多是說玄暉
一壺春酒江村暮泊在峩溪醉不歸

訪息耘不遇

語聲了了出溪灣只隔桃波一步間
自愛黃鸝春後至多愁燕子雨中還
坡晴細草平如剪花曙閑門半不關

欲覓行踪雲滿地人言採藥在他山

次韻張布政游山

不因覽勝入松門猿鳥何曾識使君
黃葉路從流水上青蘿牀與白雲分
逢僧且說新裁句見寺先尋舊刻文
冰雪寒巖春到後樹如膏沐草如薰

過湖州

平生只想住湖州僻性迂情可自由
一片水聲中倚杖幾重山色裏行舟
東林書卷貧猶買西塞綸竿老未收
緩得歸程過寒食杏花春雨聽鳴鳩

題林屋洞天

群山包水水包山金作芙蓉玉作環
洞裏有天通五嶽

山中無地著三班白雲彷彿鷄初唱碧海迢遙鶴又還
可惜桃花有凡骨年年隨浪出人間

螺川送別圖

五老峯前送別圖社賢今日未應無路經黃葉千年寺
人倚西風十幅蒲銅斗舊歌聞楚甸尊羹新興入吳都
重山複水閒踪跡自在飛雲一片孤

水雲寒為馬仲禎題一灣煙水

占得沙河水一灣此身能與狎鷗閒桃花斷岸無船到
楊柳衡門盡日關千里煙波歸老眼十年魂夢又鄉山
扁舟西塞山前路流水肥魚待爾還

荆溪有懷

荆溪一壑舊風煙鷗鷺盟中念昔賢春水田疇蘇玉局
夕陽庭樹杜樊川鷄聲歷歷荒村外鳥路迢迢暮靄邊
欲覓高僧問南嶽碧雲西望草芊芊

妙聲

次韻道竹可清明雨

風雨蕭蕭夜向晨清明都付寂寥濱吹殘野外無窮柳
消盡江南大半春臨水桃花還有浪銜泥燕子不生塵
匡牀坐穩渾慵起賴得同人笑語頻

至仁

次韻馬國瑞負外遊會稽

勝游還與馬遷同直上東南第一峯神禹穴深蒼木合

李斯碑在紫苔封晚雲仙島翔歸鶴夜雨靈湫起蟄龍
若見故人煩問訊松間石上幾時逢

送謙上人還日本并簡天龍石室和尚

回首扶桑若箇邊春風萬里上歸船神龍饋供雲迷海
仙女吹花月在天密意西來端有得新詩東去豈無傳
若逢石室煩通問歲晚南湖學種蓮

次韻簡蘇昌齡學士仲銘禪師

曾向燕然勒漢銘吳門今對萬山青朝端聲價蘇司業
海內交游蒿仲靈何日袈裟登釣艇此時雲錦照溪亭
一尊正候陶徵士莫學三閭愛獨醒

法住

杏村牧笛

杏村一逕遶湖西牧子閒將短笛吹顛倒自騎黃犢背
參差巧弄綠楊枝花陰響動風來處樓外人聽日落時
憶昔雨中曾問酒謾勞指點與人知

如蘭

曉發

東風卷雨曉雲收兩岸雞聲送客舟柔櫓不驚沙上鴈
殘燈猶照驛邊樓天連野水浮雲闊斗轉銀河拂地流
遙望吳城何處是青山數點落長洲

大本

送徐行正人材之京

鴻鴈來時澤國秋
西風潮落大江頭
蒹葭楊柳東西岸
楓葉蘆花遠近洲
鍾阜煙霞千嶂出
蓬萊宮闕五雲浮
丈夫勲業青冥上
莫為思鄉易動愁

似杞

東風卷寄題劉氏雙翠軒

兩株擁秀立堦除
絕勝蘭苔畫不如
晝影並移當几席
嵐光相與落圖書
羽衣霓袖臨風舞
鴉鬢雲鬟帶晚梳
珍重二難招未得
更栽連理伴幽居

杏林一京口覽古

譙櫨年來戰血乾
煙花猶自半凋殘
五州山近朝雲亂

萬歲樓空夜月寒
江水無潮通鐵甕
野田有路到金壇
蕭梁事業今何在
北固青青客倦看

寄虎丘蟾書記

聞道蟾公似贊公
一餅一鉢寄山中
雲封蘿屋長疑雨
泉響松巖半是風
履破只緣行脚久
囊空非為作詩窮
遙思短簿祠前夜
共聽寒鐘出磬東

溥洽

送金上人古上人制滿同還南翔

涼入西霞木落初
送人長是歎離居
江山故壘三更夢
風雨寒燈一卷書
變化不同鷄伏鵠
聰明已辯魯為魚
還山為問南翔鶴
秋影何時下碧虛

次韻寄荅一初因懷南竺具菴老人
自笑還鄉野性慵有懷多為白頭翁山樓半照崦嵫日
海郭孤吟舶趁風賀監祇應歸鏡曲征西也復念譙東
淒涼莫話平生事容易魂消蒼莽中

野人居為吳中行作

桑抽穉綠麥生歧男女新年解縠絲老至已憐同甲少
業成未覺見丁遲槿籬日薄雞豚散花塢春深燕雀知
却怪閒情消不盡據牀長詠竹枝詞

送謙選中住花涇寺

秋風一櫂入花涇楊柳芙蓉接水亭野老尚能談故事
鄉僧爭請說新經楸梧雨外聞啼鳥樓閣煙中見濕螢

欲寫別離無限意孤鴻遙沒越山青

金園草堂

草堂簷拂水雲低花木叢叢繞碧溪捲幔躍魚搖倒影
攤書巢燕落晴泥藥苗教子春前種蕉葉逢僧雨後題
幾度畫船移晚棹旁人錯比灤東西

送彙木菴歸姑蘇

幾年漫浪闔閭城與子追游杖履輕煙草鹿臺尋古跡
水雲鷗渚結閒盟江山已入韋郎句齒髮徒傷白傅情
相送長洲天際路畫船茶竈憶春行

湯時仲小林居

昔年曾過小林居門下蕭蕭古木疎牀雨獨看先世笏

御選明言 卷九
帳煙還讀外家書杏花紅褪春猶在菜甲青稀曉自鉏
回首長洲多茂草幾時清嘯落樵漁

送會天元住紹興能仁寺

許詢故宅祇園寺童穉嬉游不記年樓閣參差霄漢上
山川迢遞斗牛邊縈池晝引芙蓉水負郭秋登穉稷田
今日送君迷舊跡都門回首一淒然

德珉

秋懷

江潭葉落鴈初飛又見涼風到客衣日下浮雲迷北望
天涯孤棹滯東歸驚看秋草流年換夢憶青山故舊稀
明日一竿滄海去白鷗應笑未忘機

晚泊東湖有懷姚醉雲

水晚陰雲思渺茫若爲孤棹泊橫塘夢回明月人何遠
愁對殘燈夜更長別渚沙寒移宿鴈疎林葉響墮微霜
明朝有約新豐道載酒重過舊草堂

大同

寄演福和尚

雨紅煙綠暮春時獨客終朝有所思白水漾沙金錯落
青山浮几玉參差一簾花妥鶯聲緩千里書成鶴去遲
後夜更看湖上月滿懷愁緒散如絲

覺澄

送玉峯琳長老得戒還清泉

御選明言

卷九

德珉

大同

覺澄

淨倫

來遊江國早相招一到荒山正寂寥得戒已聞天竺雨
洗心曾見浙江潮雲開曉日回蘭棹鶯轉春風上柳條
欲問清泉何處是毗盧高閣倚層霄

青山采山水間遊爲寂菴賦
欲泛滄波下碧層閑中跋涉有誰能五湖煙浪孤舟月
萬里雲山一箇僧托鉢頻逢春店食和衣幾宿夜窗燈
舊房門外松將偃海上歸來話葛藤

即陣淨倫

次喬武庫縉金山勝覽韻

妙高臺上昔年遊想徧山中景物幽出洞白雲含海曙
映窗晴雪湛江流好音常聽樹頭鳥相對不飛沙際鷗

西望金陵千古意葱葱佳氣帝王州

懷讓

自京師回至江寺聞梵

禪宮仙梵起泠泠一派餘音隔翠屏亂逐怒濤翻海島
微隨落葉散林垆月明馴鶴銜花至晝靜神龍擁座聽
十載江湖塵土夢今宵却向此中醒

即國清寺

遠問天台訪玉峯短筇扶入翠重重溪風滿寺散花雨
秋色一簾橫古松童子倚門長喚鶴老禪談法解降龍
嬉游何日更相遇雲逐水流無定蹤

玄穆

題焦山寺

獅子峯前放晚叅直登絕頂縱幽探帆檣遠近迷蒼靄
樓閣高低鎖翠嵐水色倒涵天上下山形雄壓地東南
焦先去後巖扉古樹老碧桃春正酣

明秀

寄九杞先生

兩句三年報已成杞泉涼月照人清九華芝草高踪在
千里冥鴻病眼明野寺柴門香稻熟漁村江樹晚山晴
憑誰喚起王摩詰畫汝綸巾杜曲行

得白泉徐侯書

攜李城西從拂袖歸帆直過釣臺西却憐別後無消息

忽得書來問杖藜江岸鷓鴣悲暮雨柴門燕子惜春泥
海邊猶有甘棠樹幾向花陰憶貴溪

勝果山中懷朱陳二翁

西閣暮鐘雲氣陰南山秋色故宮深半巖落日照江雨
萬里長風吹桂林喜見燈花頻入夢病憐物色獨關心
青天兩夜負明月黃葉思君祇自吟

文湛

送王景仙

碧梧秋晚葉皆稀何事行人又遠違落日天涯千里別
西風江上片帆歸山城月出聞猿嘯候館霜清見鴈飛
此後定知難會面相思惟有淚沾衣

定徵

次沈陶菴題石田有竹莊韻
移家種竹楊河上半似湘川半輞川詩好日嘗題節下
酒酣時復卧根邊掃門延客還開逕煮笋烹茶或試泉
我記別來今十載出門添得幾梢煙

廣原

次沈陶菴題石田有竹莊韻
卜得幽居地勢偏風光別是一山川白鷗新水釣簾外
烏目斜陽拄頰邊繞屋比鄰留野竹清心琴筑倚寒泉
隔溪西崦禪林近嘗聽鐘聲出暮煙

方澤

西天目高峯塔院

千丈巖扉不易登真身長闕最高層日中乍見馴簷鳥
雲外時逢禮塔僧行道石邊紛異草挂衣松上縮長藤
青年即有棲遲約白首誰知尚未能

宗林

山居用韻荅鳳川朱先生
秋冷啼蛩入講堂夜深飢鼠攪眠牀山廚食盡松花餅
瓦鼎煙消柏子香半壁綠苔乘宿雨滿堦紅葉醉新霜
幽居漸喜三冬近竹几蒲團雪夜長

花椒

欣欣笑口向西風噴出玄珠顆顆同采處倒含秋露白

徐暹明言 卷之十一
暉時嬌映夕陽紅調漿美著騷經上塗壁香凝漢殿中
鼎鍊也應加此味莫教薑桂獨成功

幽武雪梅

山居詩

道人卓錫愛名山四面巉巖指顧間風牖坐聞松子落
石牀定起蘚痕斑鳴禽花塢春常在隔水柴扉夜不關
惟有白雲知此意菴前飛去又飛還

青羊德榮

題國清寺

竹院深深近翠微短簾容易墜斜暉香殘瓦鼎僧初定
月上松巢鶴未歸落澗祇供煎茗水洩雲留伴坐禪衣

客游正值春將半風落桃花片片飛

洪恩

郭山人舍宅

疎竹高梧種始成斗壇新出梵音聲山銜落照和雲下
霧斷寒潮隔岸鳴石上舊題貞白字井邊猶勒葛洪名
他時猿鶴如相憶只尺巢居一葦輕

德清

寄燕都慈壽寺別山長老

當年一鉢久過從長夜披衣聽曉鐘飯食每懷香積界
經行常憶妙高峯潛消瘴熱心含雪暗記流年手種松
爲埽蓮花師子座待余重舉絕言宗

山居

三冬擁衲坐枯禪喜見春光最可憐
瓦鼎野蔬將獻供地壚松火漸無煙
青山覆雪重開面白髮防寒已及肩
幸作太平雲卧客焚香朝暮祝華年

法生

寄雲東

十年滄海共離羣三月風塵信未聞
芳草閉門春冉冉落花啼鳥暮紛紛
歲華江上看流水世事人間喻薄雲
鴈宕天台何處所采芝捫葛幸同君

法杲

答五峇趙凡夫

嗟君長揖謝風塵枯木寒厓是所親
薜荔成衣初變姓桃花爲路不通秦
居山寧著炊煙斷作事無招野鶴嗔
身寄白雲心未穩游絲飛絮亦侵人

佳處亭望金山

迎風獨倚最高臺漠漠平沙孤嶼開
短塔正如看水立危峯爭欲渡江來
片時白浪千帆下何處青天一鶴哀
興極不知歸路晚淡煙斜日滿蒿萊

斯學

邊城晚眺

獨上層樓望欲迷滿城砧杵更悲淒
河流曲抱內黃北山勢遙連太白西
落葉亂隨秋雨下斷鴻斜引夕陽低

自來幽朔寒偏早繞樹啼鳥未肯棲
智舷望於嶺林更悲數匹流曲外黃北

送方同叔游天台

浦樹離離接遠天片帆遙向赤城懸
春風幾度滄江上驛路千峯落月前
水冷石梁窺洞壑花深巖殿宿雲煙
從君此去看霞色猶是興公作賦年
送谷響上人入匡廬石門澗
飄然汝去躡何峯六月匡廬雪尚封
芒履不妨江路草淨餅將挂石門
松雲開嶺外逢僧影日落巖前見虎蹤
聞道遠公蓮再發齋時還聽虎溪鐘
欽義

還山雜詩

淨埽松門坐綠苔水聲逗石響奔雷
忽驚野鹿驅煙過又見昏鴉駕日回
曲木全支衰草住矮簷半向夕陽開
山林未返忘形友日與孤雲自往來

天遂

沐雨梳煙千萬枝春風挽住定何時
青窺鏡裏愁人眼翠染機中織女絲
柔舞難容鶯坐穩輕搖易惹燕飛遲
可憐歲歲章臺路腸斷忘歸遊俠兒

志淳

春日過月公蘭若

孤村相叩嗜禪翁一徑春風到寺中人語悄聞楊柳綠
鳥啼幽出杏花紅經殘瘦坐焚香起茗熟傳題得句工
足跡不留簾外土小庭深寂雨空濛

翠葉文貞

掃除荒穢剪凡材卧榻初安四壁苔隔浦舟移帆影過
隣家客到犬聲來霜晨月夕誰為侶屋後堦前盡種梅
心法別將何物喻蓮花不限滿池開

又具慧秀

竹間聽反舌鳥
細靄輕嵐散竹林
搯頤小坐聽晨禽
未蒸花氣機偏澀

乍寫春聲意獨深
緩引易調多種舌
瑣言難竟一生心
何如隱忍過殘臘
末路風煙恐不禁

泓灝

秋江晚歸

流覽山川幽意多
渾忘落日挂藤蘿
潮催客子還家權
風送漁舟入浦歌
深樹煙披連翠幕
遠峯雲在失青螺
臨行笑指芙蓉發
明日還期倚杖過

廣潤

落花得疎字

春來纔見百花舒
一夜東風恨有餘
亂點綠苔沿砌密
乍飛紅雨隔簾疎
辭條弱影傷鶻鴟
逐水殘香憶鱖魚

莫見成陰芳樹底斷魂蝴蝶尚蘧蘧

宗乘

秋日小病同心石師強至山寺

寺門秋竹冷煙扉石路欹斜近翠微
領略心情忘我病寂寥光景見人稀
欲題古壁花生眼久坐荒苔蘚透衣
應笑學空多歲月箇中還挂往來機

圓信

早秋過朱子葵太守鶴洲草堂對雨分韻得飛字

方花礎潤晚涼歸隔浦蓮舟望漸稀
林下自聞秋葉雨燈前亦有草蟲飛
巡簷半濕黃藤杖倚檻重添白苧衣

明發霽溪新水下前村應沒舊魚磯

成回

雜感

本買深山與世違擔書禹穴憺忘歸
鐘沉古寺寒燈滅雨過林中曉月微
花裏子規愁客路船頭綠水濺征衣
六千君子風流盡空見春城柳絮飛

無文

將之潤州東崑山諸子

囊攜贈什滿朋箋豈用臨岐更黯然
瓦鉢未謀前路食草屨先乞故人錢
江山半壁全輸我風雪何心亦上船
他日若吟懷友句定驚深壑老龍眠

御選同詩卷第九十

